



左
繡

閑
儂

三
十六

如
玉

服部文庫
117
195
3



117
195
3

春秋經傳集解

宋林堯叟唐翁附註

晉杜預元凱原本

唐陸元朗德明音釋

後學馮李驊天閑增訂

同學 錢塘范允猷右文
仁和沈乃文襄武黎評
同懷杭州陸 偲與臯

男 馮張孫近漢

翼孫念詒
尤孫思蔭 校輯

男 陸麟書素文



錢塘 馮李驊天閑
定海 陸 浩大瀛 評軸

閔公第四

公名啓方史記云名開莊公子母叔姜謚法在國遭難曰閔。在位二年

經 庚申元年春王正月。○齊人救邢。○夏六月辛酉葬

我君莊公。○秋八月公及齊侯盟于落姑。○冬齊

來歸。季子公子友之字季子忠於社稷爲國人所思故賢而字之齊侯許納故曰歸。○冬齊

春秋經傳 卷四 閔公

此文前整後散然上三不可用排比下三簡書用接連調法相配小小文字其結構精緻乃爾

三不可一句說狄一句說邢一句說自已重在末句故引詩單頂懷字以結到救邢筆法緊甚于上為兩句接連于下為兩頭起訖只三個簡書字寫得如此有法只一順一倒耳

五伯復手處全在挾天子以令諸侯孫執升云奉簡書以從事使泗上諸侯莫

敢不俯首所以彈壓之也得解

又曰故又曰是以前人往往好用重疊字而兩實字分在兩頭兩虛字併在中間無往不用順逆法也

盟而諸復歸而嘉之解經首尾對說中間補叙兩層簡潔

開手提省難一筆下分兩段上段寫魯難下段寫寧魯難若網在綱故作文全在提筆

本字器字正喻夾寫前後相映可章法不雜又不渙也

仲孫來仲孫齊大夫以事出疆因來省難非齊侯命故不稱使也還使齊侯務寧魯亂故嘉而字之來者事實省難其志也故經但書仲孫之來而傳尋仲孫之志

傳元年春不書即位亂故也國亂不得成禮

狄人伐邢狄伐邢在管敬仲言於齊侯曰戎狄豺

狼不可厭也敬仲言諸夏親暱不可棄也

宴安酖毒不可懷也以宴安比之酖毒詩云豈不懷歸畏此

簡書伯勞來諸侯之詩簡書同惡相恤之謂也

所請救邢以從簡書齊人救邢

夏六月葬莊公亂故是以緩十一月乃葬

秋八月公及齊侯盟于落姑請復季友也國公初立國家

多難以季子忠賢齊侯許之使召諸陳公次于郎以故請霸王而復之省書曰兩字

待之非師旅之事季子來歸嘉之也

冬齊仲孫湫來省難湫仲孫名書曰仲孫亦嘉

之也仲孫歸曰不去慶父魯難未已時慶父亦還魯公曰若

之何而去之對曰難不已將自斃斃路君其待之公

曰魯可取乎對曰不可猶秉周禮周禮所以本也臣

此篇總提分應乃借實形主格也申生
主畢萬有兩兩相對申生以逃為令名
畢萬以魏為大名申生之天祚幾幸于
或然畢萬之天啟直決于見在行文亦
略于主而偏詳于賓絕妙戾射法總見
獻公之愛其子曾不若愛其臣之甚也
經微而顯吾干傳亦云
上段開口一句喝破而以分都位卿雙

承之下段亦開口一句喝破而以盈數
大名雙承之上陪一人曰下陪一天子
上誦一語曰下誦一占曰雖詞意多實
不伴文格未始不相配也世人何以參
差論古文亦知參差之有以善其妙乃
如此乎天祚翻應不立復始正應必
大各為起結而筆法不同

兩賓中忽詳一置一用筆往往不測徐
云如花半開妙

上段結處掉一天字下段起處即掉一
天字兩截一綫此又後賢牽上搭下
收順承等法之所自來

聞之國將亡本必先顛而後枝葉從之魯不棄周禮
未可動也君其務寧魯難而親之親有禮因重固能
能固則當閉搆貳離而相疑者則覆昏亂也覆敗也霸王
就成之霸王所用故之器也以器為喻

○晉侯作二軍晉本一軍見公將上軍天子申生將
下軍趙夙御戎畢萬為右為公御右也夙趙衰兄畢
以滅耿滅霍滅魏平陽皮氏縣東南有耿鄉永安還
為天子城曲沃賜趙夙耿賜畢萬魏以為大夫士為

曰天子不得立矣分之都城而位以卿先為之極又
焉得立位以卿謂不如逃之無使罪至為吳大伯不

亦可乎欲立季康故讓位而適吳猶有令名與其
及也言雖去猶有令名且諺曰心苟無瑕何恤乎無

家天若祚天子其無晉乎為晉殺卜偃曰畢萬之後
必大卜偃晉掌萬盈數也魏大名也採魏之為名其

魏本字觀象魏當義至大魏即以是始賞天啟之矣天子曰兆民

塗高諸義可見亦兩意創承諸侯曰萬民今名之大以從盈數其必有眾

簡甚古甚。焦氏易林大都做此。然安得有此贊而不傳。與而不僻也。

上段一不得一焉。得又無家無晉。兩無字。此段却寫必大必眾必昌必復。四必字。令讀者不暇為畢。萬喜而深為中生。悲也。文章有神。其筆力乃立于此。子孫必復其始。太子反不得立。首尾對讀。令人不堪。

朱君謂曰。合請敬仲奔齊。篇知陳氏及趙魏之興。後來晏嬰請繼。至于晉與叔同語。一曰齊其陳氏。一曰政在家門。相對致慨。此左傳線索處。俞寧世曰。知慶知興。深于天人之義。晉侯既滅桓莊之族。又吞與國。剪同姓。

以為子孫不換之基。豈知殺子之禍。即伏于此。分晉之慘。亦即伏于此。最妙。起手二行。叙得有勢。

號舟僑虞井伯恰似一流人亡國未嘗無才奈天奪其盤狗

以魏從萬。初畢萬筮仕於晉。遇屯三三。震下坎之比。有象。坤下坎止。此屯。辛廖占之曰吉。辛廖晉屯固比。三三初九變而為比。屯險難。所以為堅固。震為土。八吉孰大焉。其必蕃昌。屯親密。所以得入。震變。車從馬。震為車。足居之。震為足。兄長之。震為長男。母覆。坤為母。眾歸之。坤為眾。六體不易。初一爻變。有此合而能固安。而能殺公侯之卦也。比合屯固。坤安震。公侯之子孫必復其始。畢萬公高之後。傳為魏之子孫。眾多張本。○夏

經二年春王正月齊人遷陽。無傳。陽國名。蓋齊人偪徙之。○夏五月乙酉吉禘于莊公。三年喪畢。致新死者之主於廟。廟之遠。主當遷入。祧因是大祭。以審昭穆。謂之禘。莊公喪制未闋。特別立廟。廟成而吉祭。又不於大廟。故詳書以示譏。○祧他彫反。○秋八月辛丑公薨。實弑書薨。又不地。○九月夫人姜氏孫于邾。哀姜外淫。故孫稱姜氏。○公子慶父出奔莒。莒閔公故。○冬齊高子來盟。無傳。蓋高侯也。齊侯使來平魯亂。魯人貴之。故不書。信公新立。因遂結盟。故不稱使也。名子男子之美稱。○十有二月狄入衛。書入不能有其地。例在襄十三年。○鄭棄其師。高克見惡。久不得還。師潰而克奔陳。故克狀其事。以告魯也。○二年春。號公敗犬戎于涓。犬戎。西戎別在中國者。涓水。出隴西。東入

三篇 卷之三 閔公

連寫兩字傳其義不致相之疑

兩人合傳有各叙者有串叙者此則其串叙者也然上半篇寫其仲下半篇寫哀姜兩人共事而于前單寫賊公武闈若與哀姜全無干涉者到後筆事串出便是前疎後密前暗後明等作法其間前從公叙起後即以公作轉快前陪一成季後陪一齊人前寫奔葛後寫孫邾前寫結後寫殺前寫賂歸後寫戶歸前寫奚斯與而往後寫傳公而葬都兩兩相準成章于參差見略齊此合傳之

此是正傳其仲故成風託信事不得夾入而成季只用轉點此史家剪裁一定之法兩段都點入傳公又是暗立大至腦處不可不知

將生及生名友文友此起結呼應之韻見成者載震必問男女多著筆則又屬閒話只以男也二字揭過安頓有法

河水之隈曲曰舟之僑曰無德而祿殃也殃將至矣

遂奔晉舟之僑號大夫

○夏吉禘于莊公速也

初公傅奪卜齋田公不禁卜齋魯大夫也公即位年八歲知愛其傅而遂

成其意以奪齋田齋忿其傅并及公故慶父囚之○齋魚綺反

卜齋賊公子武闈官中小門成季以僖公適邾僖公謂之闈

慶父成共仲奔莒乃入立之以賂求共仲于莒莒人歸之及密使公子魚請密如京公子魚奚斯也不許

哭而往共仲曰奚斯之聲也乃縊慶父之罪雖重季子推親親之恩欲

同之叔牙存孟氏之族故略其罪不書殺又不書卒閔公哀姜之姊叔姜之子

也故齊人立之共仲通於哀姜哀姜欲立之閔公之賊人死也哀姜與知之故孫于邾齊人取而殺之于夷以

其尸歸為僖元年齊人殺哀姜傳夷魯地僖公請而葬之哀姜之罪已重而僖

公請其喪還者外欲固齊以居厚內存母子不絕之義為國家之大計

○成季之將生也桓公使卜楚丘之父卜之卜楚丘魯尊卜

大曰男也其名曰友在公之右在右言用事○林凡

夫曰男也其名曰友在公之右人皆右手用事○友

正義鄭玄考校禮文必嘗制三門產維路天子諸侯皆三朝云詢國危詢國遷云周禮朝士所掌外朝之位者乃在雉門之外其雉門之外左有卜筮凡三易韻益以並詞恰與社輔為隔句韻前後凡韻語都各有章法不及詳論讀者購反可也

是又一仲子也與唐叔鼎而峙矣俞寧世曰有文在手乃在桓公母于亦奇

此篇作兩半讀前半叙狄入衛事後半叙立戴盧曹事亡衛以國人故上牛國人起國人結存衛以齊侯故下牛對提以齊了起分叙以齊侯結至上下聯將

映帶則大題小微純以零星點綴見姿致蓋畫家小字將軍金碧山水筆意也凡叙事以類相從筆墨始成片段此篇開口叙一好鶴乘軒事以後便從此附麗作章法如塊也矢也繡衣也不去其旗也賦載馳也直至末段乘馬也祭服五種也魚軒也重錦三十兩也首尾映耀極敗意之事却寫成極生色之文得此筆意更無枯寂題矣并牛羊豕雞狗都寫入成妙文史公酒肉帳簿此應作其嚙天以好鶴亡國亡國之韻者也文亦以風雅之筆稱之妙絕鍾伯敬曰使鶴三語怨而諱妙絕盜從東方承令康鹿觸之足矣亦是此意或慮曰今人為文以無聞為上古人以有聞為奇韓信背水為陳趙人

本作及從兩又又右手也開于兩社為公室輔兩社周社亳社兩社之間朝廷執政所在直照到春秋之末季氏亡則魯不昌又筮之遇大有三三乾下離上社叶杜

大之乾三三乾下乾上乾大有曰同復于父敬如君所筮者之辭也乾為君父離變為乾故曰同復于父見敬與君同正義曰雖是乾子還變為乾故云同復于父言其尊與父同也國人敬之及生有文在其敬如君之處所言其貴與君同也

其手曰友遂以命之遂以為名冬十二月狄人伐衛衛懿公好鶴鶴有乘軒者軒大車服虔云將戰國人受甲者皆曰使鶴鶴實有車有籜曰軒

衛速也曰以此贊國擇利而為之贊助也玦示以當決斷矢示以禦難與夫人繡衣曰聽於二子取其二章順序渠孔御戎子伯為右黃夷前驅孔嬰齊殿傳言衛侯失民有素雖及狄人戰于熒澤衛師敗績遂滅衛此熒澤當在河北君死國散經不書滅者狄不能赴衛之君臣皆盡無復文告齊桓為之是也告諸侯言狄已去言衛之存故但以入為文衛侯不去其旗是以甚敗也去起呂反藏狄人囚史華龍滑與禮孔以逐衛人二人曰我大史也實掌其祭不

望見大笑非以其有間乎不知兵法之妙正在於此此文自不去其旗是以甚敗而後竟無一字及懿公如以為死觀此二語則懿公尚存如以為存何後幅竟叙戴公之立是亦左氏之間也不知國亡君死曰滅懿公已了結于一滅字中若竟叙盧費踰跡尚有可尋惟于滅衛下又添入不去其旗兩句便令讀者茫然如墮雲霧蓋復提衛侯者述述也即誤敵之奇兵韓信之水上軍也特書滅衛者結衛侯也即破敵之奇兵持漢械之二于端也敵之笑我者在此而我之破敵者已在此矣此之謂如神按有間為奇一語真妙解也

字串落聯絡成篇首尾照應 又上段伐衛滅衛入衛作章法下段連寫七百有二十八五千人三百乘三千人又乘馬五稱皆三百三十兩許多數目與前二子二人兩國人多少相映皆文字各成片段處 大概文字長短疎密都要相濟相錯出沒不拘而合之則成一大章法分之則自成小章法乃字變萬化而不可易者耳

三書

先國不可得也。夷狄畏鬼故恐。乃先之至則告守曰不可待也。守石窰。夜與國人出狄入衛遂從之又敗諸河。衛將東走渡河。初惠公之即位也少。蓋年十人使昭伯烝於宣姜不可強之。昭伯惠公庶兄宣公總提。○筆以下分叙錯綜入妙。○芝帶無根醴泉。生齊子戴公文公宋桓夫人許穆夫人文公為衛之多患也。先適齊及敗宋桓公逆諸河。迎衛宵濟。畏狄衛之遺民男女七百有三十人益之以共滕之民為五千人。共及滕立戴公以廬于尊。廬舍也曹衛下邑戴公名申立其年卒而立文公。廬力居反曹詩作潛。補正曰漕邑在河南今大名府滑縣南二十里有白馬故城是也。許穆夫人賦載馳。載馳詩衛風也許穆夫人痛衛之亡思歸唁之不可故作詩以言志。齊侯使公子無虧帥車三百乘甲士三千人以戍曹。無虧齊桓公子武孟也車甲歸公乘馬祭服五稱牛之賦異於常故傳別見之。歸遺也四馬曰乘衣單被。此類此。歸何如。年豕雞狗皆三百與門材。具曰稱門材使先立門戶。○稱尺證反。正義曰歸。歸夫人魚軒。魚軒夫人車者不反之辭故為遺也。此釋亥何如。重錦三十兩。重錦錦之熟細者以二火雙行故曰兩。卒也。遺夫人貴美不貴卒故杜不從之。

重錦三十兩。三十兩三十四匹也。正義曰服虔云重。貴卒故杜不從之。

春秋左傳

卷四 閔公

七

片之妙

齊子之齊之予唐云長衛姬生無辭故使成曹俞以歸夫人為迎齊子歸按正義解歸字一例此說未是

經文鄭棄其師杜註謂克狀其事以告魯看傳當是夫子特筆所以深責鄭也為之賦清人高克則亦已矣其如清人何淡淡一筆重為經鄭棄其師四字傳大息之神師者清邑之兵前不叙明留于引詩點出此互見法得此乃字字簡潔

此篇一事分作兩項說前半論太子帥師之失後半論偏衣金玦之危然以太子不可帥師為主偏衣金玦不過就其事抽出旁論故末段只歸重孝而安民乍結輕重可見矣

里克語與後孤突諸人本一樣意思却因諍會獻公有子誰立之言將謂伐狄有功猶得不廢文字到此一鬆下半篇接寫先友之言又着實鬆去然後層層轉繁直至太子將戰孤突透底說破回應前文總成一哭此以下截申上截格初非各自立論不相照應也前後凡五點孝字正一篇線索眼目處上段先緊後鬆下段先鬆後緊合之則為蜂腰格前後以兩將戰為關鍵包絡中間許多議論又是鶴膝格上半篇太子一層帥師一層至將戰一層却都不暢言留末段孤突地步此行文虛實互見妙法下半篇另為總提分應結構以孤突為主先點御戎一筆下以僕曰諫曰直尾

賤辭

○鄭人惡高克使帥師次于河上久而弗召師潰而歸高克奔陳

高克鄭大夫也。好利而不顧其君。文公惡之而不能遠。故使帥師而不召。鄭人為之賦。清人。清人詩。鄭風也。刺文公退。

○晉侯使太子申生伐東山臯落氏

赤狄別種也。臯落其氏族。里克晉大夫。以朝夕

視君膳者也。故曰冢子。君行則守。有守則從。從

曰撫軍。守曰監國。古之制也。夫帥師專行謀

軍事。守誓軍旅。君與國政之所圖也。非太子

之事也。師在制命而已。稟命則不威。專

命則不孝。故君之嗣適不可以帥師。君失其官。帥師

不威。將焉用之。且臣聞

臯落氏將戰。君其舍之。公曰。寡人有子。未知其誰立

焉。不對而退。見太子。太子曰。吾其廢乎。對曰。告之以

臨民。教之以軍旅。不共是懼。何故廢乎。且

子懼不孝。無懼弗得立。修己而不責人。則免於難。大

子帥師。公衣之偏衣。佩之金玦。

上意在不可帥師。故繫從帥說。落。偏衣。左右異色。佩之金玦。以金為玦。其半似公服。

卷四 閔公

左緯

呼應中叙各人議論，將狐突欲行作一頓，最是文字提撥起伏妙處。否則何難將羊舌大夫一連寫去耶？先友語先作一開，夢夢得妙，必有之，亦必有之文。

數段以狐突為去，故其語反復扁切而文法亦最繁最變。泛論兩層，切論則作三層。既添一時字作三項，忽將衣玦并說化作兩項，又忽將金玦分說化作四項，手意真不測也。以一字起以兩字收，約法守法，變化極矣。

三人都承前段而申言之。子養着眼，偏衣罕夷着眼，金玦丹木接來一總虛說，而着意狄可盡乎一語，抉進一層。又一則點出命可知一則點出君有心一則點出猶有內護都是逐層推出，而以逃之遠之跌出，欲行文勢一步緊一步絕無轉身處矣。忽然羊舌大夫翻盡前說一筆兜轉，以鬆為緊，迴出諸人意表，亦迴出讀者意表。作文最苦枯竭，熟復此等自當層轉不窮耳。前從戰說到行後，又從行說到戰，回抱起手，收拾全篇多而不亂，碎而不渙，絕妙章法。三段連用，雖字都是抉進一層法，又恰與狐突作呼應，無此即不成此段矣。

春秋左傳

狐突御戎，先友為右。

狐突，伯行，重耳外祖父也。為申生御，申生以天子將上軍，梁

餘子養御罕夷，先丹木為右。

罕夷，晉下軍卿也。梁餘子養為罕夷御也。羊

舌大夫為尉。

羊舌大夫，叔向祖父也。尉，軍尉。

先友曰：衣身之偏也。

偏半也。

握兵之要。

謂佩金玦，將上軍。

在此行也。子其勉之，偏躬無慝。

分身衣之半。

兵要遠矣，非惡意也。

威權在已，可以遠害。親以無災，又何患焉？狐突歎曰：時事之微也。

焉？狐突歎曰：時事之微也。

歎以先友為衣身之章也。衣身之章也。

佩裘之旗也。

旗表也，所以表明其中心。

故敬其事則命以始。

服其身則衣之純。

必以純色為服。用其衷則佩之度。

也。佩玉者，士君子常度。補正曰：佩之合法度也。記云：世子佩瑜玉而綦組綬。

闕其事也。

冬十二月，闕盡之時。

衣之龙服，遠其躬也。

龙雜色。龙莫江反。

佩以金玦，棄其衷也。服以遠之時，以闕之。龙涼冬殺。

金寒玦離胡可恃也。

寒涼殺離，言無溫潤。玦如環而缺，不連。林衣之龙雜，則有涼

方，其性剛而寒，玦如環而缺，離不相連屬。雖欲勉之。

狄可盡乎？梁餘子養曰：帥師者受命於廟，受賑於社。

賑，宜社之內，盛以賑器。賑市軫反，以蠶飾器亦作蠶。

有常服矣，不獲而龙命。

可知也。

章弁服，軍之常也。龙，備衣。

死而不孝，不如逃之。罕夷曰：龙

春秋左傳

卷四 閔公

九

死之配上迷之違之。又是對下圖之皆自成片段處。諫口應上嘆曰是于本段中自為起語語與里克相應又是於通篇合為起訖古今作手總不出此法耳。

通篇語語透切已無不說。然文氣亦太偏迫矣。結處忽拖一歇後語。虛宮作收。令讀者悠然不盡。真妙筆也。作文最妙是此種掉尾法。唐錫周曰里克含蓄不露。確是當面隱諷。先友教人左思右想。確是背後商量。鍾敬伯曰里克與人交言。依于慈與人子言。依于孝可為事君之法。先友諸人正言危言。各自有心。各自有理。如聚哭一堂于載之下。猶有餘慟也。俞寧世曰以議論為章法。又一結構。此文只為申生死孝張本。故孝字一篇眼目。羊舌數語乃立意所在。妙在雜于諸人議論之中。且于衣袂二者寫得動。若若如曹孟德七十二疑塚處處是塚。却不知骨在何處也。

奇無常

維色奇怪非常之服

金玦不復

補正曰人臣賜玦則去故曰不復 雖復

何為君有心矣

有害大子之心

先丹木曰是服也。狂夫阻之

阻疑也言雖狂夫猶知有疑。阻莊呂反。服虔云阻止也。止此服言君與大子以狂夫所止之服衣之。韋昭註晉語云狂夫方相氏之士阻古。日盡敵而反。諷字將服是衣必先詛之皆與杜異。

敵可盡乎

雖盡敵猶有內讒不如違之

狐突欲行

行亦去也 羊舌大夫曰不可違命不孝棄事

不忠雖知其寒惡不可取子其死之

寒惡薄只是指 大子將戰

狐突諫曰不可昔辛伯諗周桓公

八年。論音審說

文云云內寵竝后外寵二政嬖子配適大都耦國亂

之本也。周公弗從故及於難今亂本成矣

麗姬為內寵二五為

外寵奚齊為嬖子曲沃為大都故曰亂本成矣。杜

亂本也。補正云陸氏謂古人引言只取大意不

必事事符同。今但以驪姬龍奚齊嬖為亂之本

必乎孝而安民子其圖之

戰為安民與其危身以

速罪也

有功益見害故言

成風聞成季之錄乃事之

成風莊公之妾僖公少母也錄卦兆之占辭

而屬僖公焉故成季立之

此亦公中之私

二事後並有正傳而先振叙于此亦先經始事之變調也以僖年冠齊桓其闕宮厲懲之義歟

鍊語至簡而有汁漿神味足耳。此事本可屬虛曹文後但彼處錯落此處整肅以一人之手而筆墨各見精彩便雜綴不得况骨董羨乎。中四句二句富之二句教之末二句却是處可見既處者以富教保其處未處者以富教致其處首二句便是修身為富教之本備文中與有以夫。上節元年二年作領此節元年季年作東兩條各自成文而亦若對立篇法順逆回環者然只要筆筆變換耳左氏蓋無一字率爾也。

左繡

錢塘 馮李驊天閑
定海 陸 浩大廡 評輯

同學 錢塘范允斌右文
仁和沈乃文襄武參評
同懷杭州陸 德與舉

男 馮張孫近橫
翼孫念詒
沈孫思蔭
男 陸麟清慶文 校輯

○僖之元年齊桓公遷邢于夷儀二年封衛于楚丘

邢遷如歸衛國忘亡 忘其戚亡之困

○衛文公大布之衣大帛之冠 大布麤布大帛厚繒 蓋用諸侯諒闇之服

●補正陸氏云言其 務材訓農通商惠工 加惠於百 工賞其利

器 敬教勸學授方任能 友百事 元年革車三十乘季

年乃三百乘 衛文公以此年冬立齊桓公始平魯亂 故傳因言齊之所以霸衛之所由興革

車兵車季年在僖二十五年蓋招懷 逆散故能致十倍之眾。逆檠評反

春秋左傳集解卷四 終

春秋經傳集解

宋林堯叟唐翁附註

晉杜 預元凱原本 唐陸元朗德明音釋

後 馮李驊天閑增訂

僖公上第五 公名申莊公子閔公兄母成風蓋 法小心畏忌曰僖。在位三十三

年

經 元年春王正月○齊師宋師曹伯次于聶北救

邢 齊師諸侯之師救邢次于聶北者案兵觀 ○夏六 翼以待事也次例在莊三年聶北邢地

月邢遷于夷儀邢遷如歸故以自○齊師宋師曹師

城邢傳例曰救患分災禮也一事而再○秋七月戊

辰夫人姜氏薨于夷齊人以歸傳在閔二年不言齊人殺諱之書地者明

在外○楚人伐鄭荆始改號曰楚○八月公會齊侯宋公鄭

伯曹伯邾人于榿榿宋地陳國陳縣西北有榿城公及其會而不書盟還不以盟告○

榿勅呈反林○九月公敗邾師于偃偃邾地○冬十月

壬午公子友帥師敗莒師于鄆獲莒單鄆魯地單莒子之弟不書

弟者非卿非卿則不應書嘉季友之功故特書其所獲大夫生死皆曰獲獲例在昭二十三年○鄆力知

反孀女居○十有二月丁巳夫人氏之喪至自齊僖女加二反

請而葬之故告於廟而書喪至也齊侯既殺哀姜以其尸歸絕之於魯僖公請其喪而還不稱姜闕文

傳元年春不稱即位公出故也國亂身出復入故即位之禮有闕

出復入不書諱之也諱國惡禮也掩惡揚善義存君親故通有諱例皆

當時臣子率意而隱故無深淺常準聖賢從之以通人理有時而聽之可也

○諸侯救邢實大夫而曰諸侯總衆國之辭邢人潰出奔師奔聶北之師也

邢潰不書師遂逐狄人具邢器用而遷之師無私焉

皆撰具還之無所私取○夏邢遷于夷儀諸侯城之

○撰仕眷仕轉二反

由四字而三亭而兩字造戒得妙愈戒而何愈窮矣

兩節合讀以救邢為主下遷邢城邢都趁勢帶叙歸併救字中此以綱統目之法否則連叙三經未免連營七百矣無私焉寫邢遷如歸簡透

仍收教字
救患也。凡侯伯救患，分災討罪，禮也。侯伯，州長也。分，穀也。

○秋，楚人伐鄭，鄭即齊故也。盟于犂，謀救鄭也。犂，鄭地也。

地有
二名
○九月，公敗邾師于偃，虛丘之戍將歸者也。虛丘，邾地。邾人既送哀姜還齊，人殺之，因戍虛丘，欲以侵魯。公以義求齊，齊送姜氏之喪，邾人懼乃歸，故公要而敗之。

虛起
居反
○冬，莒人來求賂。求，還慶父之賂。公子友敗諸鄆，獲莒子之弟，莒非卿也，嘉獲之也。

嘉季友之
獲而書之
萊蕪縣，西入濟。○林，傳著季氏之所以盛。

○夫人氏之喪，至自齊。君子以齊人之殺哀姜也，為已甚矣。女子從人者也。言女子有三從之義，在夫家，有罪，非父母家所宜討也。

經
癸亥
二年春，王正月，城楚丘。楚丘，衛邑，不言城，衛衛不以封衛，累齊桓也。以為天下之公義也。觀木瓜以美齊，定中以美衛，則春秋書楚丘以善辭，居然可知矣。

○夏五月辛巳，葬我小君哀姜。無傳，反哭成喪，故稱小君，例在定十年。

○虞師晉師滅下陽。下陽，號邑，在河東大陽縣。晉於此始見經滅例，在襄十年。

先辭後解筆致輕逸字字傳駭嘆之神

既不得目公又不欲目諸侯則渾之曰城楚丘蓋兩無所屬之辭呼

此篇較公穀左氏總以簡高見長

二傳皆詳假道之謀左氏獨詳假道之詞詞令之妙固非高亦所政爭也
不准假道且請師矣詞令妙品

兩為不道借賓形主參差中必有整齊
方成片段

三年○大音
泰一如字
○秋九月齊侯宋公江人黃人盟于貫

貫宋地梁國蒙縣西北有貫城貫與貫字相似江國在汝南安陽縣○貫古亂反貫市夜反又音世

冬十月不雨
傳在
○楚人侵鄭

傳二年春諸侯城楚丘而封衛焉
君死國滅
不書所

會後也
諸侯既罷而魯後至諱
不及期故以獨城為文

○晉荀息請以屈產之乘與垂棘之璧假道於虞以

伐虢
荀息荀叔也屈地生良馬垂棘出美玉故以為名四馬曰乘自晉適虢途出於虞故借道○屈

求勿居勿二
公曰是吾寶也對曰若得道於虞猶外
反垂棘晉地

府也公曰宮之奇存焉
宮之奇
對曰宮之奇之為人

也懦而不能強諫
懦弱也○懦本又作懦乃
亂乃貨二反字林作煥
且少長

於君君暱之雖諫將不聽
親而狎之
乃使荀息假道

於虞曰冀為不道入自顛軫伐鄭三門
前是冀伐虞
至鄭鄭虞邑

河東大陽縣東北有顛軫坂○軫音零鄭于丁反
補正引服虔以冀伐晉至鄭虞助晉伐冀使病將假

道故稱前恩以誘之正義謂虞能報冀晉不能報號
言已弱以示其恥言虞彊以悅其心按二說皆通玩

唯君故句
冀之既病則亦唯君故
言虞報伐冀使病

從服為長
冀之既病則亦唯君故
將欲假道故稱虞
彊以悅其心冀國名平
今號為不道保於逆旅
逆旅
陽皮氏縣東北有冀亭
客舍

說得甚輕以預釋其唇齒之忌也妙妙

斷語應起作結妙只一字簡老之筆

大國言齊宋小國言江黃其餘莫敢不至此正伯業極盛時也忽開閃著一冷

筆令人莫測其故真妙文矣
只一句十字而人也事也地也時也無
一不到簡而愈曲精絕

首尾呼應中三句都用而字句法皆更
進一層之辭
讀奪鑿益疾句使人不敢作得意事

也號稍遣人分依客舍以聚眾抄晉邊邑○抄初教
楚稍二反○正義曰逆迎也旅客也迎止賓客之處

以侵敝邑之南鄙補正邵氏曰逆旅近晉南鄙之客舍出則侵退則保敢請

假道以請罪于號刑號伐已虞公許之且請先伐號

而欲求媚喜於厚賂宮之奇諫不聽遂起師夏晉里克荀息帥

師會虞師伐號滅下陽晉猶主兵先書虞賄故也

倡兵之首而先書之惡貪賄也

○秋盟于貫服江黃也江黃楚與國也始來服齊故為命諸侯

○齊寺人貂始漏師于多魚寺人內奄官豎貂也多魚地名闕齊桓多嬖寵

內則如夫人者六人外則幸豎貂易牙之等終以此亂國傳言貂於此始擅貴寵漏洩桓公軍事為齊亂本張

○號公敗戎于桑田桑田號地在淇農陝縣東北晉卜偃曰號必

亡矣亡下陽不懼而又有功是天奪之鑿鑿所以而

益其疾也騎則必亡更平必易晉而不撫其民矣不可以五稔

年晉滅號張本

○冬楚人伐鄭鬪章囚鄭聃伯經書侵傳言伐本以伐興權行侵掠為後

年楚伐鄭鄭伯欲成張本○掠音亮

經甲子三年春王正月不雨夏四月不雨一時不雨則書首月傳例

日不日旱不為災○徐人取舒無傳徐國在下邳僅縣東南舒國今廬江舒縣勝國而不

用大師亦日取例在襄十三年○林舒詩所謂荆舒者也徐附齊故為齊取楚之與國○六月

示旱不雨竟夏○秋齊侯宋公江人黃人會于陽穀陽穀齊地

在東平須昌縣北○林表裳之會不在九合之數○冬公子友如齊涖盟涖臨

也○林吾君大夫如齊自僖之初年始前此適他邦必有故也○楚人伐鄭

傳三年春不雨夏六月雨自十月不雨至于五月不

日旱不為災也周六月夏四月於播種五稼無損

○秋會于陽穀謀伐楚也三年楚侵鄭故

○齊侯為陽穀之會來尋盟冬公子友如齊涖盟公時

不會陽穀故齊侯自陽穀遣人詣魯求尋盟魯使上卿詣齊受盟謙也

○楚人伐鄭鄭伯欲成孔叔不可曰齊方勤我孔叔鄭大

夫勤恤鄭難棄德不祥祥善也

○齊侯與蔡姬乘舟于囿蕩公蔡姬齊侯夫人蕩搖也囿苑也蓋魚池在

苑小白似也分不明尋蔡事故特楚公懼變色禁之不可公怒歸之未絕之也蔡人嫁

之故為明年齊侵蔡傳

字便一直帳此亦錯綜之一也

經只言正月四月傳却從十月數至五月乃是要其始終而言愈見其早之意然妙在先說到了六月雨然後再從十月不雨說起曲折有趣若從頭數來文

感激語不在多只一勤字已足使人低回不去

多許情事若曲筆描寫滿紙不盡只用短句直叙以此事不過為侵蔡作緣起無庸多着筆墨耳蓋簡亦有道也王或庵曰十句共三十一字而有七層轉轉摺摺若激若真蟻封盤馬本事安頓四之字錯落盡致一也字蕩漾

三精

春秋左傳

卷五 僖公

六

可愛。宋人文字整而不能碎，肥而不能瘦。所以去古愈遠，觀此文只三十一字，而蕩舟一案了了，何其瘦也。十句中，再舉字句者七，何其碎也。

經乙四年春王正月公會齊侯宋公陳侯衛侯鄭伯

許男曹伯侵蔡蔡潰遂伐楚次于涇民逃其上日潰例在文三年遂

兩事之辭楚強齊欲綏之以德故不速進而次涇涇楚地潁川召陵縣南有涇亭○林侵蔡遂伐楚以見

齊霸侵陳遂侵宋以見楚霸○夏許男新臣卒未同盟而赴以名林即許叔也穆

公卒傷公業立○楚屈完來盟于師盟于召陵屈完楚大夫也楚子遣完

如師以觀齊屈完觀齊之盛因而求盟故不稱使以完來盟為文齊桓退舍以禮楚故盟召陵召陵潁川

縣也○齊人執陳轅濤塗轅濤塗陳大夫○秋及江人黃人伐

陳受齊命討陳之罪而以與謀為文者時○八月公齊不行使魯為主與謀例在宣七年

至自伐楚無傳告于廟○葬許穆公○冬十有一月公孫

茲帥師會齊人宋人衛人鄭人許人曹人侵陳公孫茲叔

牙子叔孫戴伯快涉字○林蔡自北杏

傳四年春齊侯以諸侯之師侵蔡蔡潰一會而棄我

諸夏甘心即楚故齊桓遂伐楚楚子使與師言曰君

處北海寡人處南海唯是風馬牛不相及也楚界猶未至南

海因齊處北海遂稱所近牛馬風逸蓋末界之微事故以取喻○服虔云風放也牝牡相誘曰風○一說

馬喜順風牛喜逆風所趣不同故不相及蓋南轅北轅之喻耳不虞君之涉吾地也

此合兩為一章法上半兩問兩答却用分承下半亦兩問兩答却用總承上則半認半推下則前恭後俛都用一開一合筆法極變化極整齊已開後人選對格法門見刻本有分作兩首者真不知章法為何物矣

上段管仲就理上講說得正大楚子却答得活脫極有躲閃下段桓公就勢上講說得張皇屈完頓答得閑冷極占便宜似此詞令皆隨機應變好看煞人左

春秋左傳卷五 僖公 七

氏特對寫以自娛。娛我後人也。

對針上文分外說得濶遠。先答何故一問。然後正言責楚。亦是兩層往復。與下半科配者。

聲罪致討。詞意整贍。飛書馳檄。高文典冊。合而為一。良未易才。包茅。是些小事。其可受不復。是遠年事。合其有節。楚人雖狡。要在仲氏算中耳。黃西山云。我以大惡斥之。彼亦必斥我之惡。以為諸侯羞。唯舍其大而責其小。庶幾楚人不盡力以抗我。則不勞而師有功。孫執升以為桓公與仲自度不能大艾楚。故為此迂誕之言。以便草草結局。與鄙見合。

一春一夏兩段各以時令對起。見其久也。名退諸侯之師為眼目。而前後兩先君遙遙相對。東海西河。穆陵無棣。方城為城。漢水為池。都兩兩映襯。併兩段為一章。真有璧合珠聯之歎。

敬仲子文兩人真是對手。大家將計就計。適可而止。否則為身為戰事。未可知矣。

何故管仲對曰。昔名康公命我先君大公。名康公周大保名公

也。曰五侯九伯。女實征之。以夾輔周室。五等諸侯九州之伯皆得

征討其罪。齊桓賜我先君履。東至于海。西至于河南。因以此命以夸楚。

至于穆陵。北至于無棣。穆陵無棣皆齊竟也。履所踐履之界。齊桓又因以自言其

盛。林索隱曰。今淮南有故穆陵門。是楚之境。無棣在遼西孤竹。按是時管仲相齊。子文相楚。正是的對。楚既以涉地何故為問。則齊不應歷言受封境。爾貢

界以自狹。當以征伐所至為正。服虔之說非也。爾貢包茅不入。王祭不共。無以縮酒。寡人是徵。包裹束也。茅菁茅也。

東茅而灌之以酒為縮酒。尚昭王南征而不復寡人書包茅菁茅之為異未審。

昭王南征而不復寡人

是問。昭王成王之孫。南巡守涉漢。船壞而溺。南人諱而不赴。諸侯不知其故。故問之。補正曰。齊侯以為楚罪。對曰。貢之不入。寡君之罪也。敢不共給。昭而問之也。

王之不復。君其問諸水濱。昭王時漢非楚竟故不受罪。師進次于

陘。楚不服罪。夏楚子使屈完如師。如陘之師。師退次

于名陵。完請。齊侯陳諸侯之師與屈完乘而觀之。

齊侯曰。豈不穀是為。先君之好。是繼與不穀同好。

如何。言諸侯之附從。非為己。乃尋先君之好。謙而對。自廣。因求與楚同好。孤寡不穀。諸侯謙稱。

曰。君惠微福於敝邑之社稷。辱收寡君寡君之願也。

倍公

上文繼好辱收。已是兩邊說。此下不過閒話取笑耳。小白絕不認真。妙極。然亦作者裁對已工。不容更着一語矣。上半師起師結。下半屈完起屈完結。片段明整有法。

此篇直是後人兩扇格。換意不換詞者。東方陳鄭一利一害。只以顛倒出之。而各以其可也。然在蓋明告我以對股法門矣。

申侯與濤塗語妙。在全然相反。尤妙在全然相類和反。則獨見已說之為長。相類則愈形彼說之可憎。如月斯錦。左氏實有化工造物之能。

中以一等二等對舉。而侯葬袞歛恰以一實一虛為起訖。文貴勻稱。此一班也。

齊侯曰。以此眾戰。誰能禦之。以此攻城。何城不克。對曰。君若以德綏諸侯。誰敢不服。君若以力。楚國方城以為城。漢水以為池。

方城山在南陽東縣南。以言竟土之遠。漢水出武都。至江夏南入江。言其險。雖眾無所用之。屈完及諸侯盟。

陳轅濤塗謂鄭侯曰。師出於陳鄭之間。國必甚病。申侯鄭大夫當若出於東方。觀兵於東夷。循海而歸。其可也。

申侯曰。善。濤塗以告齊侯。許之。申侯見曰。師老矣。若出於東方。而遇敵懼。不可用也。若出於陳鄭之間。共其資糧。屏履其可也。

屏草履。屏符費反。楊雄方言。屏粗履也。絲作之曰履。麻作之曰屨。粗者曰屨。補正曰。劉熙釋名。齊人章屨曰屨。齊侯說與之虎牢。執轅濤塗。

秋伐陳。討不忠也。許穆公卒于師。葬之以侯禮也。薨于朝會。加一等。

加二等。於是。有以袞歛。冬。叔孫戴伯帥師會諸侯之師。侵陳。陳成歸。轅濤塗。

諸侯命有三等。公為上等。侯伯中等。子男為下等。禮加一等。男而以侯禮。加一等。凡諸侯死王事。謂以死。於是有以袞歛。謂加二等。

謂以死。於是有以袞歛。謂加二等。冬。叔孫戴伯帥師會諸侯之師。侵陳。陳成歸。轅濤塗。

勤

此篇傳晉殺申生事却意在驪姬猶叙
鄭伯克段却意在姜氏故中段一氣趕
落全用彼處筆法益亦相準成文也

又此事與二五耦篇緊相接却別自
一種筆意彼處從獻公無子叙起便通
篇着筆子上如欲立其子乃一篇之主
後面董公子二姬之子一一照應此篇
從以驪姬為夫人叙起則通篇着筆如
上如姬謂大子姬宜宮姬泣姬遂潛
二公子草鞋灰線用意極顯用筆極微
總之一支自有一支主腦非可隨手雜
湊也申生口中兩姬字尤一篇精神
所在唯以姬為主故立姬用重筆立奚
齊反用輕筆特寫與二五耦篇相反以

見其用筆之變用意之精妙極

陳服罪故歸其
大夫戴謚也

初晉獻公欲以驪姬為夫人卜之不吉筮之吉公

曰從筮卜人曰乃史蘇也筮短龜長不如從長

有象象而後有滋滋而後有數龜象筮數故象長數
短蓋以先後為長短正義曰卜人欲公舍筮從

卜故云論理且其蘇曰專之渝攘公之瑜

除也銷美也言變乃除公之美○論羊一薰一蕕十

年倘猶有臭難除正義曰月令其臭香易云其臭

如蘭傳亦云君之臭味臭乃氣之總名今既以善氣
為香故專以惡氣為臭倘猶有臭猶則尚之義重言

之耳如尚書云弗違暇食違則暇也按與叶音抽

今人唯惡氣讀尺救切餘皆讀許救切與嗅韻非

必不可弗聽立之生奚齊其娣生卓子及將立奚齊

既與中大夫成謀中大夫里克也獻公欲廢太子

謀也姬謂大子曰君夢齊姜必速祭之齊姜大子

祭于曲沃歸胙于公胙祭之公田姬寘諸宮六日公

至毒而獻之毒酒經宿輒敗而公祭之地地墳

酒食自外至不可不試與大大斃與小臣小臣亦斃

姬泣曰賊由大子大子奔新城墳扶粉反公殺其

齊火三傳

卷五 僖公

十

奔新城下本接二公子事因要還申生了局故起便叙去然得毋顧省失主乎看他連忙接遂謂二公子作收斂字跳脫筆筆機極是老辣直與事相肖也化工化工其寫申生處亦都是駭顧姬氏落筆無一閉話東二句輕帶得妙筆法又與前奔新城相應經營匠心杜李同傳一死一生各將安在會詳云爾按此乃史家附見之法如謂本文全着意在此當未盡然

按文三年凡民逃其上曰潰在上曰逃

按成十五年凡君不道於其民諸侯討而執之則曰某人執某侯不然則否

對中大夫

傅杜原款或謂大子子辭君必辯焉以六日之狀自理大子

曰君非姬氏居不安食不飽我辭姬必有罪君老矣

吾又不樂吾自理則姬死姬死則君必不樂不樂為由吾也曰子其行乎大

子曰君實不察其罪被此名也以出人誰納我十二

月戊申繼于新城姬遂謂二公子曰皆知之重耳奔

蒲夷吾奔屈二子時在朝為明年晉殺申生傳

五年春晉侯殺其世子申生榘晉侯惡用杞

伯姬來朝其子無傳伯姬來寧寧成風也朝其子者時子在十歲左右因有諸侯子得

行朝義而卒不成朝禮故繫於母而曰朝其子夏公孫茲如牟叔孫戴伯娶於牟卿

非君命不越竟故奉公命聘於牟因自為逆公及齊侯宋公陳侯衛侯

鄭伯許男曹伯會王世子于首止惠王太子鄭也不名而殊會尊之也

首止衛地陳留襄邑縣東南有首鄉○林衣裳之會七殊會世子不以世子夷于諸侯所以定世子也

聞無異事復稱諸侯者王

尊與王同齊桓行霸翼戴天子尊崇王室故殊貴世子鄭伯逃歸不盟逃其師而歸也

逃例在弦國在弋陽縣縣東南○林夷狄始滅中

國○九月戊申朔日有食之無傳冬晉人執虞公

居然媲美靈臺舊公所以有齊聖之目

登華書三層以書為主故下單結書字

貪璧馬之寶距絕忠諫稱人以執同於無道於其民之例例在成十五年所以罪虞且言易也晉侯修虞之祀而歸其職貢於王故不以滅同姓為譏

僖五年春王正月辛亥朔日南至周正月今十一月冬至之日日南極

公既視朔遂登觀臺以望而書禮也視朔親告朔也觀臺臺上構屋

可以遠觀者也例且冬至歷數之所始治歷者因此則可以明其術數審別陰陽叙事訓民魯君不能常修此禮故書凡分至啓閉必書雲物分春秋分也至

春立夏開立秋立冬雲物氣色災變也傳重申周典不言公者且官掌其職為備故也素

妖祥逆為之備

晉侯使以殺大子申生之故來告釋經必須初晉

侯使士為為二公子築蒲與屈不慎寘薪焉不謹夷

吾訴之公使讓之謹讓士為稽首而對曰臣聞之無

喪而感憂必讎焉讎猶無戎而城讎必係焉係而寇

讎之保又何慎焉守官廢命不敬固讎之保不忠失

忠與敬何以事君詩云懷德惟寧宗子惟城詩大雅

安則宗子君其脩德而固宗子何城如之懷德以

三年將尋師焉焉用慎尋用退而賦曰狐裘龍茸一

此篇是結上生下文字蓋申生既殺便已指過一遠以後須叙二公子出亡本

末因補寫士為築城一段議論以為後文緣起見登悟其言大子可以不死二公子亦可以不奔籍中宗子維城乃回顧篇首一國三公乃反跌篇尾無一浪筆也

士為築城寘薪乃是故作筆異以動公責問大旨存修德而固宗子兩句前云寇讎後云三公中云宗子總見申生無恙蒲屈都可不築三年尋師吾誰適從極言築城之危口中自說重耳夷吾意中却全指在終之二子也此公極有深心宜其言之針針見血乃爾

士為連說四體字直將以二子為備而重耳乃以被看為難此正文字兩兩激射處總見缺公前既失之申生後又失之重耳也而重耳自此與矣首尾照應之密如此

起處總提二公子一筆而爽吾語之于始重耳逃之于終可見兩人優劣其不附代屈事又行文欲得勻稱不令偏重也

左氏于此等大事卻只用寂寥之筆嘗不可解受之當是極其慎重不取輕易落筆欲博綜廣攬以待後之補緝而後乃終闕之也固大異于不知而作者矣此節為隱怨而友者寫一小照首句提

明怨字下以故勸之乃為之遂諧諸三層推寫而末以由是得罪作結語不多而意已透左氏蒸以筆為鏡墨為鼎者也前申侯之反宣仲不必別尋語頭今宣仲之潛申侯亦不必別尋題目看數虛字字字傳將計就計之神

凡文必有總括之筆在首為提在尾為束此篇獨用之中間喜于王命承上懼不朝齊起下于上為束于下又為提蓋以中權作首尾關鍵也章法奇甚妙甚

逃歸不盟四字亦以中句分縮首尾真重規疊矩矣可以少安所喪多矣多字少字乃前後

國三公吾誰適從

士為自作詩也龍其亂貌公與二公子為三言城不堅則為公子所

訴為公所讓堅之則為固讎不忠無以事君故不

知所從○龍莫江反又音蒙音戎過了怪反

難公使寺人披伐蒲重耳曰君父之命不披乃徇曰

披者吾讎也踰垣而走披斬其祛遂出奔翟

夏公孫茲如牟娶焉

會于首止會王太子鄭謀寧周也

立王子帶故齊桓帥諸侯會王太子以定其位

陳轅宣仲怨鄭申侯之反已於召陵

之○城其賜邑

助子請乃為之請於諸侯而城之美

鄭伯曰美城其賜邑將以叛也申侯由是得罪

秋諸侯盟王使周公召鄭伯曰吾撫女以從楚輔

之以晉可以少安

於齊故以鄭伯喜於王命而懼其不朝於齊也故逃

歸不盟孔叔止之曰國君不可以輕輕則失親

侯傳

互映凌文情總以對寫為佳

弦特四國之睦于晉而不事楚凡有三層轉折中間卻又有皆弦姻也一層註解看其用筆之簡而幽處

所恃者姻所恃之姻又僅恃齊之睦而于已一無所恃也只一兩筆寫盡天下

妄人此篇傳晉執虞公事只一易字盡之看其前識後叙處處伏一易字至末一筆點出絕世奇文

疏李沃注為疑當作謂

上半自成一篇絕妙文字開手提明復假道于虞故文中前則曰其可再乎後則曰吾不再舉矣首尾呼應一片中間

吾宗神機兩層都因虞公自解自寬就其說而藏之其實意難于首段說盡也然層層駁難于本文寫絕妙波瀾于後事為絕妙埋伏請至下半其詳寫滅號章諸時日偏不一筆商量及虞分明是號亡虞從晉不更舉詳其詳寫執及大夫以勝秦分明為吾宗二字寫出極其不堪其詳寫修祀歸貢又分明為神其吐之還他着落而未以罪虞公且言易也結之前半妙文得後半實事兩兩相應使人讀之又好笑又好笑也刻本往往刪去後半亦食蔗而遺其本矣他只說個假道伐虢我看來便是假號滅虞開口喝破頑石亦應點頭須看其字字激切處為全篇之綱領也

左傳

夫親黨接也失親患必至病而乞盟所喪多矣君必悔之弗聽逃其師而歸

楚闕穀於莧滅弦弦子奔黃於是江黃道柏方睦於齊皆弦姻也

晉侯復假道於虞以伐虢宮之奇諫曰虢虞之表也虢亡虞必從之晉不可啓寇不可翫

甚其可再乎諺所謂輔車相依唇亡齒寒者其虢虢之謂也

公曰晉吾宗也豈害我哉對曰夫伯虞仲大王之昭也

王季之穆也王季者大伯虞仲之母弟也

為文王卿士勳在王室藏於盟府

滅何愛於虞且虞能親於桓莊乎其愛之也桓莊之

春秋左傳

僖公

四

將就。是。滅。是。叫。他。從。就。一。邊。翻。轉。看。親。
 于。桓。莊。又。叫。他。從。晉。一。邊。翻。轉。看。絕。妙。
 對。而。指。點。法。看。他。說。個。親。守。而。既。不。我。
 愛。反。忌。我。偏。是。吾。宗。不。唯。不。得。其。親。適。
 增。其。害。也。痛。快。極。矣。
 前。連。寫。兩。新。字。兩。愛。字。兩。偏。字。此。又。連。
 寫。七。德。字。四。神。字。他。說。人。情。便。與。他。說。
 情。而。情。不。可。恃。也。如。彼。他。說。天。理。便。與。
 他。說。理。而。理。又。一。無。足。恃。也。如。此。反。反。
 復。復。透。徹。無。遺。誰。謂。達。心。而。情。耶。
 况。以。國。乎。神。其。吐。之。乎。兩。段。都。用。反。語。
 語。作。掉。令。其。自。思。與。前。其。可。再。乎。筆。意。
 呼。應。一。片。絕。妙。章。法。
 于。鳳。洲。曰。登。四。引。詩。以。如。是。二。字。一。頓。
 便。用。反。轉。落。下。文。勢。鼓。舞。

虞不臘矣三句敘仕上半篇呼起下半篇乃一篇轉機處刪卻後文便語無歸結不現其妙矣

族何罪而以為戮不唯偏乎桓叔莊伯之族晉獻公之從祖昆弟獻公患其

偏盡殺之事在愈繁愈詳親以寵偏猶尚害之况以國乎公曰

吾享祀豐絜神必據我據猶安也對曰臣聞之鬼神非人

實親惟德是依故周書曰皇天無親惟德是輔周書逸書

又曰黍稷非馨明德惟馨馨香之遠聞又

曰民不易物惟德馨物黍稷牲玉無德則不見饗有德則見饗言物一而異用

如是則非德民不和神不享矣神所馮依將在

德矣若晉取虞而明德以薦馨香神其吐之乎弗聽

許晉使宮之奇以其族行也行去曰虞不臘矣臘歲終祭眾神

之名正義日月令孟冬臘門閭及先祖五祀祭本

紀惠王初臘始皇更改臘曰嘉平蔡邕獨斷云臘者

歲終大祭縱吏民宴飲非迎氣故但送不迎應劭風

俗通云案禮夏曰嘉平殷曰清祀周曰大蜡漢舊臘

臘者獵也田獵取獸祭先祖也周時臘蜡各為一祭

漢則不蜡而臘矣按世有因此語議左氏為秦以後人者故在此行也晉不更舉矣不更舉兵八月甲午晉

侯圍上陽上陽魏國都在洪農陝縣東南問於卜偃曰吾其濟乎對

曰克之公曰何時對曰童謠云丙之晨龍尾伏辰龍尾星也日月之會曰辰均服振振取號之旗戎事上

日在尾故尾星伏不見下同服

信公

左

此段先了伐魏事其出色寫魏正其出色寫虛必從之也須知

末段一氣趕出直如秋風之捲穽點出易字乃所謂千里來龍到頭結穴也神來之筆
竟段篇解經安在中孔父篇解經安在首此篇解經安在尾者見筆妙者成章法此不得草草讀過者

通篇層波叠浪至末只以一字斷結奇絕
唐錫周曰一個是極聰明人一個是極懵懂人聰明人開口便說一號字全為假道起見也懵懂人開口便說一晉字全為壁馬起見也洵乎人之賢不肖開口立見也

二公子皆知之其見忌于姬等而一則見伐子及難之時一則遲之于期年之

振振盛貌旂軍之旌旗補正曰漢書五行志作衄師古曰衄服黑衣旂州勤

天策焯焯火中成軍號公其奔鶉鶉火星也賁賁鳥星也天策傳說星時

近日星微焯焯無光耀也言丙子平旦鶉火中軍事有成功也此已上皆童謠言也童亂之子未有念慮之感而會成嬉戲之言似若有馮者其言或中或否博覽之士能懼思之人兼而志之以為鑿戒以為將來之驗有益於世教鶉述春常倫二反焯他門反亂初問反以星驗推之知九月十月之交謂夏之九月十月也交晦朔交會

在策是夜日月合朔於尾月鶉火中必是時也冬十行疾故至且而過在策

二月丙子朔晉滅虢虢公醜奔京師說得容易

師還館于虞遂襲虞滅之執虞公及其大夫井伯以媵秦穆姬秦穆姬晉獻公女送而修虞祀且歸其

職貢於王命祀故書曰晉人執虞公罪虞且言易也命云言執不書滅虢詞

經六年春王正月夏公會齊侯宋公陳侯衛侯

曹伯伐鄭圍新城新城鄭新密今滎陽密縣秋楚人圍許楚子不親

圍以圍者告諸侯遂救許皆伐鄭之諸侯故不復更叙

公至自伐鄭無傳

傳六年春晉侯使賈華伐屈夷吾不能守盟而行賈華

後可見忌夷事較輕于忌重耳而相繼
奔狄是自令同忌也卻芮忠而有謀此
已見一斑矣

筆意隱藉此譏其既畏齊而又迷盟無
策之甚城而見圍雖城何益註謂齊桓
聲其擅興土功之罪以告諸侯恐非

晉大夫非不欲校力不能守言不如重耳之賢
將奔狄卻芮曰後出同歪罪
也嫌與重耳同謀而相隨。卻去逆反。補正曰史記述冀芮之言曰重耳已在矣今往晉必移兵伐翟翟畏晉禍且及左氏文簡得此語更明
不如之梁梁近秦而幸焉乃之
梁以梁為秦所親幸秦既大國且穆姬在焉故欲因以求入
○夏諸侯伐鄭以其逃首止之盟故也首止盟在五年圍新
密鄭所以不時城也故不曰密而曰城實新密而經言新城者鄭以非時與土功齊桓聲其罪以告諸侯
○正義曰傳解經書新城之意劉炫云先王之制諸侯無故不造城造城則攻其所造司馬法產城攻其所產是也

○秋楚子圍許以救鄭諸侯救許乃還

○冬蔡穆侯將許僖公以見楚子於武城楚子退舍武城猶有

○冬蔡穆侯將許僖公以見楚子於武城楚子退舍武城猶有

○冬蔡穆侯將許僖公以見楚子於武城楚子退舍武城猶有

○冬蔡穆侯將許僖公以見楚子於武城楚子退舍武城猶有

○冬蔡穆侯將許僖公以見楚子於武城楚子退舍武城猶有

○冬蔡穆侯將許僖公以見楚子於武城楚子退舍武城猶有

○冬蔡穆侯將許僖公以見楚子於武城楚子退舍武城猶有

問諸不記其詞從之不列其事只叙逢伯之對而問與從皆在其中矣此亦詳駁之一班也

見為齊伐鄭殺申侯傳兩節合讀以現齊用諸為兩節闕疑說齊何束上應

知其所由來矣一層文字用諸句通下領弗可改也一段文字與鄭伯逃歸篇一樣章法諺有之古人有言首尾相映而競病強弱待我待君語對待交互乎取乎求女疵女容字字轉換錯綜一樣筆意分之不必兩傷合之則成雙美人巧極天工錯古人可作知不河漢斯言以殺申侯為主上節吾知其所由來先虛透一筆下節聞其死也仍找轉作收兩頭回抱中間常由率然有此好勢耳申出也一段不入神叙倒叙例乃是為用諸句作註脚耳說到寵于厲公此下不免還有許多層折看其只用于文開其死也疾轉入題撇脫乾淨不會此法

經 七年春齊人伐鄭。夏小邾子來朝。無傳鄭犁來始得王

命而來朝也邾之別封故曰小邾。自鄭黎來為小邾子而天下無未命諸侯自晉處父為陽處父而

天下無未命大夫。鄭殺其大夫申侯。申侯鄭卿專利而不厭故稱名以殺罪之

也例在。秋七月公會齊侯宋公陳世子款鄭世子

華盟于甯母。高平方與縣東有泥母亭音如甯。母如字又音無泥乃麗反。林衣裳之會八

曹伯班卒。無傳五年同盟于首止。公孫立

齊。無傳罷盟而。冬葬曹昭公。無傳

傳七年春齊人伐鄭孔叔言於鄭伯曰諺有之曰心

則不競何憚於病。競強也憚難也。林言既不競強也憚難也。能自強何畏難于卑弱之病。

能強又不能弱所以斃也國危矣請下齊以救國公

曰吾知其所由來矣姑少待我。欲以申對曰朝不及

夕何以待君。夏鄭殺申侯以說于齊且用陳轅濤

塗之譖也。千首仲真所謂輕奉捕重奉矣。初申侯申出也。姊妹之子為出。

于申有寵於楚文王文王將死。林文王死在與之璧

使行曰唯我知女女專利而不厭子取子求不女疵

瑕也。相連。從我取從我求我不以後之人將求多於女。謂

女為罪。疵似斯反。

總不能簡也

弄可改猶諺云毛病在身改不來所以終致滿塗之譖林莊軍解古語不可也便只收於中段文王語於起句沙照應矣

此傳甯母展鄭事謀鄭起諸盟結中間使大子聽命于會可見鄭已為德禮所動故此篇以首節為主中幅不過因將許于華而極論之語語申說德禮回顧起處而正文不在此也少筆是主多筆及是賓則于賓注多少之變可以讀史矣

少者籠置全文多者翻勝不竭極文章之大觀也

通篇以德禮為主起手總提以下前重寫禮字後重寫德字凡各四點章法最

兩若字正對他一若字一反一復利害可丁國策全得此種筆法無不暢之意無不爽之辭

通義曰世子華已列於會矣管仲方云會而列女如何以示後嗣者桓公列之於會直是列其身也管仲言列其者謂將用其謀故杜云列其子華也不受子華之請即是會不列其也元彰宗云義意謂用子華之請則子華為姦人是之謂列女不用其請則聽命之世子華也列

三篇之於會何妨

春秋左傳卷五

君也求多以禮女必不免我死女必速行無適小國

將不女容焉政狹法峻既葬出奔鄭又有寵於厲公子文

聞其死也曰古人有言曰知臣莫若君弗可改也已

秋盟于甯母謀鄭故也管仲言於齊侯曰臣聞之

招攜以禮懷遠以德四語是管仲明齊大本領德禮不易無人不懷齊侯

修禮於諸侯諸侯官受方物諸侯官司各於齊受其方所當貢天子之物

鄭伯使大子華聽命於會言於齊侯曰洩氏孔氏子

人氏三族實違君命三族鄭大夫若君去之以為成我以

鄭為內臣君亦無所不利焉以鄭事齊如封內臣齊侯將許之

管仲曰君以禮與信屬諸侯而以姦終之無乃不可

乎子父不好之謂禮守命共時之謂信守君命共時事好音干

違此二者姦莫大焉公曰諸侯有討於鄭未捷今苟

有讜從之不亦可乎子華犯父命是其讜隙對曰君若緩之以

德加之以訓辭而帥諸侯以討鄭鄭將覆亡之不暇

豈敢不懼若總其罪人以臨之總將領也子華奸父之命即罪人鄭

有辭矣何懼以大義為辭且夫合諸侯以崇德也會而列

等火左傳

卷五 僖公

十九

上只就鄭論利害此更說到示後嗣亦以記不記反復比對三代以下唯恐不好名假王道亦自有一種精神照顧得到左氏最寫得出也

末二層又從子華身上着眼既斷其行又破其言三及三族語語對針用意最為周密

子華得罪乃是趁便帶結不得作正文讀只重鄭伯請盟收應起處為一篇之歸宿也

孫勃升曰霸佐如管仲百里奚皆近於聞道者故孔子稱仲孟子稱奚論古人如傳神於眾中陰察之則其人之天得

三禘正義曰新例曰三年喪畢致新死之主以進於廟之遠主當遷入祀於是乃大祭於大廟以審定昭穆謂之禘其禘自周公數之二年除罔表為禘至五年復禘今年復禘

三肅

起見與前修直諸後應二月此四莊公使注

竊何以示後嗣子華夫諸侯之會其德刑禮義無

國不記記竊之位位在會位將為諸侯所記君盟替

替廢君舉必書雖復齊史隱作而不記非盛德也詩亦損盛德正義曰

言他國記竊則廢君盟君其勿許鄭必受盟夫子華

齊史隱諱則損盛德既為天子而求介於大國以弱其國亦必不免也

鄭有叔詹堵叔師叔三良為政未可閉也齊侯辭焉

子華由是得罪於鄭冬鄭伯使請盟于齊以齊侯不

堵丁古聽子華故

○閏月惠王崩襄王惡大叔帶之難襄王惠王太子

王弟惠后之子也有寵於惠鄭也大叔帶襄

后惠后欲立之未及而卒懼不立不發喪而告難

于齊為八年

曹伯陳世子款盟于洮王人與諸侯盟不譏者王室

鄭伯乞盟新服未與會故不夏狄伐晉○秋七

月禘于大廟用致夫人禘三年大祭之名大廟周公

列之昭穆夫人淫而與殺不蕘於寢於禮不應致故僖公疑其禮歷三禘今果行之嫌異常故書之

春秋三傳

卷五 僖公

三

初矣。固請而假者自假。吾觀其卒可以識其

孰大焉。臣不及也。且又不順。立庶不順禮。遂走而退。

經九年春王三月丁丑宋公御說卒。四同盟。說音悅。桓公卒。子襄公。茲父立。

夏公會宰周公齊侯宋子衛侯鄭伯許

男曹伯于葵丘。周公宰孔也。宰官周采地。天子三公不字。宋子襄公也。傳例曰在喪公侯

曰子陳留外黃縣東有葵丘。秋七月乙酉伯姬卒。無傳。穀梁曰未適人故不稱國。已許嫁則以成人之禮書。不復殤也。婦人許嫁而笄猶丈夫之冠。

月戊辰諸侯盟于葵丘。夏會葵丘。次伯姬卒。文不相與盟。桓之會有天子之事。三於洮。序王人於諸侯之上。而同盟焉。於葵丘亦序周公於諸侯之上。而

不敢同盟焉。盟于首止。不但不同盟也。而帥諸侯以會世子。桓知節矣。春秋是以子桓也。

甲子晉侯嵬諸卒。未同盟而赴以名。甲子九月十一日。戊辰十五日也。書在盟後從赴。嵬九委

反。獻公卒。冬晉里克殺其君之子奚齊。獻公未葬。奚齊

未成君。故稱君之子。奚齊受命繼位無罪。故里克稱名。是年里克弑卓子。惠公夷吾立。

九年春宋桓公卒。未葬而襄公會諸侯。故曰子凡

在喪。王曰小童。公侯曰子。在喪未葬也。小童者童蒙幼末之稱。子者繼父之辭。

公侯位尊。上連王者。下絕伯子男。周康王在喪稱子

一人。釗禮稱亦不言小童。或所稱之辭各有所施。此

謂王自稱之辭。非諸下所得書。故經無其事。傳通取舊典之文。以事相接。

春秋左傳 卷五 僖公 三

此篇就下拜一節極寫桓之知禮然一
直寫去須不見得妙在宰孔說話未完
迎忙便去下拜以致天子必故止之小
白必故下之反復鄭重寫得下拜如許
變至事以曲而出靈文以曲而入妙干
載讀之為是至誠為是作假左氏傳神
到此亦奇矣哉

以天威句為主敢貪天子命恐遺天子
羞一正一反乃是將宰孔口中無下拜
三字反復作兩層說既局踰又躊躇也
凡四稱天子五寫下拜節知而色最
濃

唐錫周曰風行水上雲破月來俱從逆
處生出至文此篇逆搶齊侯將下拜句
在前極其得勢班綽霍光傳叙黃門令
讀奏一段中間忽插入太后曰止數語

如橫風吹斷而水波忽與如雲翳消盡
而月在高梧想是從此處偷得此法也

既盟之後

齊桓莫盛于葵丘亦始衰于葵丘振而
矜之畔者九國此篇却借宰孔口中逗
一消息然不帶叙于會葵丘之後而倒
叙于盟葵丘之篇則史家得失互見上
又止寫下拜許多好處則此語固不得
而累之也已

名陵篇板寫東西南北四處後賢效之
都成佳文若此處平寫北南西三面忽
將東作一颯筆鬆靈圖活姿致無窮後
來未有能彷彿之者以西為主故西
字獨重一遍而又重一略字以伴之下
筆有多少分寸在

○夏會于葵丘尋盟且修好禮也王使宰孔賜齊侯
胙祭肉尊之曰天子有事于文武有祭事也使孔賜伯
胙比二王後

鼻胙天子謂異姓齊侯將下拜孔曰且有後命天子
使孔曰以伯鼻耄老加勞賜一級無下拜七十日晝

勞當如字讀言加有對曰天威不遠顏咫尺言天鑒
勲勞也舊去聲不必威嚴常在顏面小白余敢貪天子之命無下拜齊侯

之前八寸曰咫名余身也正義舍人曰余卑謙之身也孫炎
目余舒遲之身也郭璞曰今人亦自呼為身恐隕
越于下隕越顛墜也據天王居以遠天子羞敢不下

拜下拜登受拜堂下受胙於堂上

○秋齊侯盟諸侯于葵丘曰凡我同盟之人言歸于
好義取修好故宰孔先歸既會先遇晉侯曰可無會

也晉侯欲求齊侯不務德而勤遠略故北伐山戎在
三十會葵丘南伐楚在四西為此會也東略之不知西則否

矣言或向東必其在亂乎君務靖亂無勤於行在存
戒獻公言晉將有亂林在察也言當察禍亂之
萌先自安靖晉國齊不能救晉無勞遠行求會也

侯乃還不復會齊

支之有斷是非一成南山可移此判不
易從無暗藏兩可者獨此篇引詩作斷
極爲圓活以荀息爲有此重言之義可
也以荀息爲未免斯言之玷亦可也蓋
荀息踐言于終是他好處失言于始又
是他不好處文于前幅詳寫其從君子
昏于後幅詳寫其從容赴義自是得失
互見而起于兩提句一則曰欲納文公
便見荀息復立卓子胸中全無卑白而
一則曰以三公子之徒作亂則亦不全
許里克而荀息之執節未盡非也似此
布置場中有抑抑中有揚因乎自然並
非私意臧否將詩詞微吟一過真乃意
在言表虛圓不滯天生妙語作此文妙
結者矣

○九月晉獻公卒里克不鄭欲納文公故以三公子
之徒作亂不鄭晉大夫三公子申生初獻公使荀息
傅奚齊公疾名之曰以是藐諸孤言其幼賤與諸子
也又不明說立辱在大夫其若之何欲屈辱荀息稽首而對曰臣
竭其股肱之力加之以忠貞其濟君之靈也不濟則
以死繼之公曰何謂忠貞對曰公家之利知無不爲
忠也思奈何送往事居耦俱無猜貞也貞而諒也往死者居生者耦兩
恨所謂及里克將殺奚齊先告荀息曰三怨將作再提
正也

前後都是雙調中幅單作參差然兩乎
字反復呼應亦仍是雙調格律此片段
不雜處也
前對獻公作兩番後答里克亦作兩番
故敘事亦各寫兩遍而引詩亦恰好雙
調作結其稱停細密如此

君子曰下不着斷語只借詩來虛虛詠
嘆便足此等筆訣開後人巧妙多少
三肅

子之徒秦晉輔之子將何如荀息曰將死之里克曰無
益也荀叔曰吾與先君言矣不可以貳能欲復言而
愛身乎荀叔荀息也復言言可復也雖無益也
將焉辟之且人之欲善誰不如我我欲無貳而能謂
人已乎言不能止里克使冬十月里克殺奚齊于次
次喪書曰殺其君之子未葬也荀息將死之人口不
如立卓子而輔之荀息立公子卓以葬十一月里克
殺公子卓于朝荀息死之君子曰詩所謂自圭之玷
再應

尚○可○磨○也○斯○言○之○玷○不○可○為○也○
詩大雅言此言之
缺難治甚於白圭 苟

息○有○焉○
有此詩人
重言之義

○齊侯以諸侯之師伐晉及高梁而還討晉亂也○
所謂西則否矣

晉地在平陽縣西南
○令不及魯故不書
前已發不書例今復重
發嫌霸者異於凡諸侯

○晉卻芮使夷吾重賂秦以求入
卻芮卻克祖曰人
艾從夷吾者

實有國我何愛焉
言國非已之有何
愛而不以賂秦 入而能民土於

何有從之
能得民不
惠無土 齊隰朋帥師會秦師納晉惠公

隰朋齊大夫
惠公夷吾
秦伯謂卻芮曰公子誰恃對曰臣聞亡

人無黨有黨必有讎
言夷吾無黨無黨則無
讎易出易入以微勸秦 夷吾弱

不好弄
弄戲
能鬪不過
有節 長亦不改不識其他公

謂公孫枝曰夷吾其定乎
公孫枝秦大夫
夫子桑也 對曰臣聞之

唯則定國詩曰不識不知順帝之則文王之謂也
詩大

雅帝天也則法也言文
王闡行自然合天之法
又曰不僭不賊鮮不為則
僭

差也賊傷害也皆忌克也
無好無惡不忌不克之謂
能不然則可為人法則

也今其言多忌克
既僭
而賊難哉
言能自
定難 公曰忌則多怨

又焉能克是吾利也
其言雖多忌適足以自害不能
勝人也秦伯慮其還害已故曰

此篇為秦納惠公起本忌克二字
夷吾一生如其言儘可不納秦伯偏以
為利而納之則純從重賂起見後文有
賂戰韓都伏臘于此矣
卻芮賂秦只四語而權術無所不有此
便是解知識會僭賊人論頭夷吾之忌
克卻芮教之也

誰恃一問秦伯自是真心商酌卻芮便
當告以內侍某某外侍某某而尤恃大
國之安靖已也則彼此推心置腹矣今
却藏頭露尾既不守說無情又不屑說
右恃明明重賂求入却無一語歸功于
秦語話不忌不克却不覺把滿腔忌克
一時流露也左氏正于渾淪處傳狡獪
之神就卻芮斷夷吾不知其主視其
使也觀人于微矣
忌克二字本平穆公却用側說箋解得
此乃活利字乃借應法所以回顧重
賂作結也輕屬一筆聊復爾耳如聞其
聲

世為左師。却未必其世世為仁也。奈何。

○宋襄公即位以公子目夷為仁使為左師以聽政。於是宋治故魚氏世為左師。

經 辛未 十年春王正月公如齊無傳。林魯始屈于大國朝齊之始。 ○狄

滅溫溫子奔衛蓋中國之狄湯而居其土地。 ○晉里克弒其君卓

及其大夫荀息弒卓在前年而以今春書者從赴也。獻公既葬卓已免喪故稱君也。荀息

稱名者雖欲復言本無遠謀從君於昏。 ○夏齊侯許男伐北戎無傳北戎山戎

○晉殺其大夫里克美齊者先君所命卓子又以在國嗣位罪未為無道而里克親

為三怨之主累弒二君故稱名以罪之。 ○秋七月。 ○冬大雨雪無傳平地尺為

大 雪。 ○傳十年春狄滅溫蘇子無信也蘇子叛王即狄又不

能於狄狄人伐之王不救故滅蘇子奔衛蘇子周司寇蘇公之

後也國於溫故曰溫子。 叛王事在莊十九年。

○夏四月周公忌父王子黨會齊隰朋立晉侯周公忌父

周卿士王子黨周大夫。 晉侯殺里克以說自解說不象 將殺里克公

使謂之曰微子則不及此雖然子弒二君與一大夫

左肅

只兩語而寫無信人反復已盡。不相能猶言不相得也。古能與耐通。蒸不耐煩之義。

此篇緊接重賂篇。開局便做出忌克手段。看他良心難昧。只得先作一揚而輕一轉。直令百口莫辨。里克接來一解一駁。總見既賴弒君而與。又何必以弒君為罪。下辨之辨。亦足塞忌克之口。而愧其心矣。

里克固應伏罪然于惠固有恩也今以
正論誅之讀者幾以其刑之當而忘其
猜忌之由作者特以平鄭之不及相形
始知里克之殺初非以弑君之故徒以
其欲納文公而怨之也似此照應全在
無字句處耳
唐錫周曰公殺里克有愧色里克臨死
有恨色一如畫

此篇為戰韓張本却無端敘一鬼神事
又不寫一遍却寫兩遍前一遍寫得分
明後一遍寫得模糊前一遍寫得整片
後一遍寫得錯綜寫鬼神固當作此若
明若滅之筆
兩遍前詳後略然中間狐突只作承上
起下語本不重而首尾字字相對尤妙
在前作一層寫出後作兩層寫出而見

至一層又只于前文帶起不作逐叙詳
中有略略中有詳變化之妙真非筆舌
所能盡耳

祀之祀為

無至祭也
注七字
今補脫

晉惠收葬共大子蓋欲媚鬼以求福也
而反為鬼所算亦所謂其氣駭以取
之也巳前後都不說遇鬼只此處着
遂不見三字滿紙鬼氣矣奇妙無此

此篇三事相承叙去末段殺字出字對
然一結中段一結首段蓋亦以雙承例

三肅

為子君者不亦難乎對曰不有廢也君何以興欲加
之罪其無辭乎句只就難字作駁而無字則絕口不與也臣聞命矣伏劍而死於

是不鄭聘于秦且謝緩賂故不及不鄭里克黨以在秦故不及里克俱死

晉侯改葬共大子共大子申生也秋狐突適下國沃新城

遇大子大子使登僕忽如夢而相見狐突本為申生御故復使登車為僕而告

之曰夷吾無禮正義曰賈逵指烝于賈君之事馬融云申生不自明而死夷吾改葬是章父之過杜不為註當以夷吾無禮非一事且鬼神之意難得而知也余得請於帝矣

請罰夷吾將以晉界秦秦將祀余對曰臣聞之神不歆非

類民不祀非族君祀無乃殄乎歆饗也殄絕也且民何罪失

刑乏嗣君其圖之君曰諾吾將復請七日新城西偏

將有巫者而見我焉新城曲沃也許之遂不見狐突將因巫而見許其

言申生之及期而往告之曰帝許我罰有罪矣敝於

象亦沒韓敝敗也韓晉地獨敝惠公故言罰有罪明不復以晉界秦夷吾思克多怨終於失國雖改葬加謚申生猶忿傳言鬼神所馮有時而信

卒鄭之如秦也言於秦伯曰呂甥卻稱冀芮實為

秦火三專

文二倍公

信

應為章法者

其實此文以出君為主。唯其能殺。故不能出。結亦語平而意。則中間叙惠公能殺。不氏父子首尾相對。皆以出君為言。分明以兩頭兩出字。包絡中間一殺字。而後乃取而雙結之也。章法奇絕。人正義周禮。大行人侯伯七命。武車七乘。武。即副也。每車一大夫。主之。

此筆處。見秦穆智深。勇沉。若在他人。未免為二子所動矣。閱閱為戰。韓起本故。只作此輕置之筆。

春秋左傳

卷五

三

不從若重問以名之

三子晉大夫不從不與秦賂問聘問之幣。鄭玄云重問多以財貨遺之也。

臣出

晉君君納重耳。蔑不濟矣。

蔑無也。冬秦伯

使冷至報問且召三子

冷至秦大夫。召三子。冷力丁反。

卻芮曰幣重而

言其誘我也遂殺平鄭祁舉

祁舉晉大夫。

及七輿大夫

七命副車七乘。

左行其華右行賈華叔堅驪歆曩虎特宮山

祁皆里平之黨也

七子七輿大夫。驪音佳歆市專反。

平豹奔秦

言於秦伯曰晉侯背大主而忌小怨民弗與也伐

之必出

大主秦也。小怨里平。

公曰失眾焉能殺。違禍誰

能出君

謂豹避禍也。為明年晉殺平鄭起。

十有一年春晉殺其大夫平鄭父

以私怨謀亂。國書名罪之。

書春從告。

夏公及夫人姜氏會齊侯于陽穀

無傳。婦人送迎不出。

門見兄弟不踰闕與公俱會齊侯非禮。林齊侯之志荒矣。

秋八月大雩

冬楚人伐黃

十一年春晉侯使以平鄭之亂來告

釋經書在今年。

天王使召武公內史過賜晉侯命

天王周襄王名武公周卿士內

史過周大夫諸侯即位天子賜之命主為瑞。

受玉惰過歸告王曰晉侯其

此直以亂誅之與前殺里克以說不同矣

三

春秋左傳

卷五

三

虛喝一句下分兩層。是論其事。是原其理。
情是說容體。却兼在內者說棄字。說身昏字。則直說到心矣。
凡叙惠懷事都遠遠為重。耳作襯托之筆。

可惜遇好題目不能出色做好文字

無後乎王賜之命而惰於受瑞。先自棄也已。其何繼之有。禮國之幹也。敬禮之興也。不敬則禮不行。禮不行則上下昏。何以長世。
為惠公不終張本

○夏揚拒泉臯伊維之戎同伐京師入王城焚東門

揚拒泉臯皆戎邑及諸雜戎居伊水維水之間者今伊闕北有泉亭王子帶召之也

帶甘昭公也召戎欲因以篡位秦晉伐戎以救周秋晉侯平戎于王

為二十四年天王出居鄭傳

○黃人不歸楚貢冬楚人伐黃
黃人恃齊故

經 癸酉 十有二年春王三月庚午日有食之
無傳不書朔官失之

○夏楚人滅黃○秋七月○冬十有二月丁丑陳侯

杵臼卒
無傳遣世子與僖公同盟甯母及洮○林宣公卒子穆公款立

傳 十二年春諸侯城衛楚丘之郛懼狄難也
楚丘衛國都郛

郭也為明年春秋侵衛傳

○黃人恃諸侯之睦于齊也不共楚職曰自郛及我

九百里焉能害我夏楚滅黃
齊及君義里耶郛楚都

○王以戎難故討王子帶
子帶前年召戎伐周秋王子帶奔齊

衛也楚丘也郛也三層寫作一句而不嫌累墜唯輕故能簡也

○一句意思○一句行狀○一句論頭寫得托大之極未修接楚滅黃一筆一似將軍從天而降者可謂入神之筆

此與下拜登受同一舉動桓與仲其所謂是君是臣者矣

通篇以三禮字為主腦上卿下卿為眼目一饗一受前後都不着詞中間一辭一命兩兩相對結局勻整有法

兩段都用慕古之筆雅與事稱左氏固無所不有也

重提此句見仲勳德過人

○冬齊侯使管夷吾平戎于王使隰朋平戎于晉

也前年晉救周伐戎王以上卿之禮饗管仲管仲辭

曰臣賤有司也有天子之二守國高在國子高子天子所命為齊

守臣皆上卿也莊二十二年高侯始見經僖二十八

年國歸父乃見傳歸父之父曰懿仲高侯之子曰莊

子不知今若節春秋來承王命何以禮焉節時陪臣

當誰世

敢辭諸侯之臣王曰舅氏伯舅之使余嘉乃勳應乃

懿德謂督不忘往踐乃職無違朕命功勳美德可謂

不言位而言職者管仲位卑而華齊政故欲以職尊之正義應當也言我善汝功勳當汝美德謂女功

德正而不可忘宜受此禮補正此數語與書微管子之命相類從書作曰篤不忘較明古字通用也

仲受下卿之禮而還管仲不致以職自高卒受本位之禮君子曰管氏

之世祀也宜哉讓不忘其上詩曰愷悌君子神所勞

矣詩大雅愷樂也悌易也言樂易君子為神所勞求故世祀也管仲之後於齊沒不復見傳亦舉其無

驗正義曰世族譜管氏出自周穆王成十一年傳有齊管于奚譜以為雜人則非管仲之子孫也哀十

六年傳稱楚白公殺齊管修杜云管修楚賢大夫故齊管仲之後是管仲之後于齊沒不復見也按補

正載史記索隱云世本管氏自莊仲山生敬仲夷吾夷吾生武子鳴鳴生桓子啓方啓方生成子孺孺生

莊子盧盧生悼子其夷其夷生襄子武武生景子耐步耐步生微耐步以上皆有謚是亦世祀之驗但無

語只是容于照應之法耳

功業可見耳

經甲戌十有三年春狄侵衛傳在前○夏四月葬陳宣

公無傳○公會齊侯宋公陳侯衛侯鄭伯許男曹伯于

鹹鹹衛地東郡濮陽縣東南○秋九月大雩無傳

冬公子友如齊無傳

傳十三年春齊侯使仲孫湫聘于周且言王子帶前

王子帶奔齊不言子帶事事畢不與王言歸復命曰未可

王怒未怠其十年乎不十年王弗召也

此處合讀相對處以順提倒敘為章

○夏會于鹹淮夷病杞故且謀王室也○秋為戎難

故諸侯戍周齊仲孫湫致之戍守也致諸侯戍卒于周

○冬晉荐饑饑極可見此舟思重麥禾皆不熟使乞糴于秦秦伯謂子桑

與諸乎對曰重施而報君將何求言不損秦重施而不報

其民必攜攜而討焉無眾必敗不義故謂百里與諸民離

乎百里秦大夫對曰天災流行國家代有救災恤鄰道也

行道有福平鄭之子豹在秦請伐晉欲為父報怨秦伯曰

其君是惡其民何罪秦於是乎輸粟于晉自雍及絳

三篇

春秋左傳

卷五 僖公

定

此等處都為秦漢晉侯起本篇中句句都照定後文落筆無一閒話子桑照開繹百里秦秦伯合來直照到戰戰結特張大其辭以見如此驚天動地之事夷吾豈在睡裏夢裡而有意之而遂背之者耶眼注後事口讀此文乃見用意之妙

兩對參差兩問却整齊合秦伯語是前偶後奇格前重一携字後重一道字參差中筆意亦未始不相配也秦伯語暗暗分應上兩人語妙極

非復邪遷如歸具器無私光景矣

齊桓朔霸也最無功今與邢衛一視同仁此叔季之所難也猶以有闕為嫌亦春秋責備賢者之旨

原叙中出季姬鄆子名目後正叙便不再見乃簡法也

此篇又承前汎舟篇來合三層讀之語意一層進一層合前數篇讀之文氣一步緊一步結句乃直喝下篇矣血脈之貫通如此

相繼雍秦國都命之曰汎舟之役從渭水運

經乙亥十有四年春諸侯城緣陵緣陵祀邑辟淮夷遷都于緣陵○林不序

諸侯散辭也是故但曰諸侯者不係之伯者之辭也但曰大夫者不係之君之辭也

季姬及鄆子過于防使鄆子來朝季姬魯女鄆天人也鄆子本無朝志

為季姬所召而來故言使鄆子來朝鄆國今琅邪鄆縣○鄆本或作繒

沙鹿崩沙鹿山各平陽元城縣東有沙鹿土山在晉地災害繫於所災所害故不繫國○狄

侵鄭無傳○冬蔡侯辟卒無傳未同盟而赴以盟○林穆侯卒子莊公甲午立

傳十四年春諸侯城緣陵而遷杞焉不書其人有關

也闕謂器用不具城池未固而去為惠不終也○直淵

諸侯君臣之辭不言城杞杞三十年晉人衛人鄭人曹人邾人滕人之會既而無歸大夫不書而國別稱人今此總曰

○鄆季姬來寧公怒止之以鄆子之不朝也來寧不書而後

年書歸鄆更嫁之文也明夏遇于防而使來朝

○秋八月辛卯沙鹿崩晉卜偃曰期年將有大咎幾

亡國國主山川山崩川竭亡國之徵

○冬秦饑使乞糴于晉晉人弗與慶鄭曰背施無親

慶鄭晉大夫幸災不仁貪愛不祥怒鄰不義四德皆失何

不待言飢而乞糴所以嘗晉也

昧心語却成于古名言斷章取義可也

韓友一曰君臣皆貪小利何以立國慶鄭雖持正義而務悻悻以求勝其君非真欲國事之成者也凡末世之臣邪者必諛正者必充總歸于敗而已

點甫君字應起晉人可見全為韓原戰獲起本與號射輩無涉也

以守國號射曰皮之不存毛將安傅

號射惠公舅也皮以喻所許秦

城毛以喻糴言既背秦施為怨

以凌雖與之糴猶無皮而施毛慶鄭曰棄信背鄰患孰恤之無信患作失援必斃是則然矣號射曰無損

於怨而厚於寇不如勿與

言與秦粟不足解怨適足使秦強

慶鄭曰

背施幸災民所棄也近猶讎之况怨敵乎

言親近之人猶為

讎恨况怨怒其敵乎林註雖近事猶為讎敵况素有深怨之敵似欠明

弗聽退曰君其

悔是哉

經丙子十有五年春王正月公如齊

無傳諸侯五年再相朝禮也例在文

十五年 ○楚人伐徐 ○三月公會齊侯宋公陳侯衛侯

鄭伯許男曹伯盟于牡丘

牡丘地名關○林兵車之會三 遂次于匡

匡衛地在陳留長垣縣西南

公孫敖帥師及諸侯之大夫救徐

敖慶父之子諸侯既盟次匡皆遣大夫將兵救徐故不復具列國別也

○夏五月日有

食之 ○秋七月齊師曹師伐厲

厲楚與國義陽隨縣北有厲鄉 ○八

月蝨

無傳為災 ○九月公至自會

無傳○林桓公之會不至至此始書桓德衰矣

○季姬歸于鄆

無傳來寧不書此書者以明中絕

○巳卯晦震夷伯

之廟 夷伯魯大夫展氏之祖父夷謚伯字震者雷電擊之大夫既卒書字

○冬宋人伐

曹○楚人敗徐于婁林

婁林徐地，下邳僮縣東南有婁亭。

○十有一

月壬戌，晉侯及秦伯戰于韓，獲晉侯。

例得大夫曰獲，晉侯背施無親。

復諫違卜，故貶絕下從眾臣之例，而不言以歸，不書敗績，晉師不大崩。○復皮逼反，林韓晉地，秦始見經，此秦晉兵端之始，秦晉兵交，始于韓，而終於十三國之伐。

○十五年春，楚人伐徐，徐即諸夏故也。

林徐自三年取舒以披楚。

黨威，公服楚。三月盟于牡丘，尋葵丘之盟，且救徐也。

徐與有功焉。葵丘盟，孟穆伯帥師及諸侯之師救徐，諸侯次于匡。

以待之。林次匡以待大夫之救，齊之怠荒可知矣。

齊桓作業已衰，事方了無生色矣。

○夏五月，日有食之，不書朔與日，官失之也。

○秋，伐厲以救徐也。林大夫救徐，楚師不退，故一師伐厲以救徐。

○晉侯之入也，秦穆姬屬賈君焉。此何總領，不是年，連穆姬事。晉侯入在九年，穆姬申生姊，秦穆夫。

人賈君，晉獻公次妃，賈女也。且曰：盡納羣公子。

此條伏妖夢併伏，從嫁，然與秦伯。羣公子，晉武獻之族，宣二年傳曰：驪。

姬怨之，晉侯許賂中大夫，既而皆背之。

地用細說。中大夫，國內人，用渾說。執政里平等。既而皆背之。

賂秦伯以河外列城五，東盡虢略，南及華山，內及解梁城，既而不與。

問必非信手填耳。河外，河南也，東盡虢略，從河南而東，盡虢界也，解梁城，今河東解縣也，羣。

這篇分四大段，首段在秦伯伐晉，截是。一篇緣起，次段至秦獲晉侯，截又次至。作州兵截末段，又一篇結斷大要，中兩段乃正叙之文，分上下半篇，讀上半步。步回顧首段，暗伏一人字，下半忽提起。妖夢于穆姬口中明透一天字，步步為結。處伏眠而匪天由人竟以一筆倒捲中間，繳還起手，此等結構，世豈有兩也。

前半寫見獲之由。平日既着着理虧。臨時猶事事膽大。其見獲固不待言。後半忽連叙舍靈臺許晉。此不是寫他絕處逢生。正是寫他盡情出醜。至寫到子金賞策。分明事後追悔無及。全賴諸臣挽回。尚不知白反而猶追答先君也。至死不悛。想作者于此亦未免拔劍着屐之恨也矣。

韓原之戰。正着筆無多。前後都是寫晉惠見獲可憐。可憐處尤妙。在下右一段。句句說小駟。句句是寫此公將忌克人性情暴動。刻畫無遺。子全一段。句句有算計。句句是弄虛頭。將負心人下稍退步。打落始盡。蓋前是借映法。後是反映法。不得此二法。只有老定寫他幾段耳。文字安得有生動之致耶。

凡大篇段落必多佳處。全在每段自為提結。又段段遞相聯絡。旁評偶括。讀者睜反可也。

首段是原叙法。又類叙法。六事作三層叙。由實而主。由寬而緊。凡用三樣筆法。第一層兩事。用側筆單行。第二層兩既而對寫。却長短參差。第三層竟用整對而兼互說。只此一起。便無法不備。大抵古今作手。總不外整中有散。散中有整耳。

次段又分四小節。第一節叙秦伯筮吉。占斷亦作兩層。三去之餘。說得占與歲云秋矣。說得輕逸。大有雙管齊下之妙。第二節寫未戰着忙。以下右乘駟對見其剛愎。第三節寫將戰托大以視師請。

山在弘農華陰縣。晉饑秦輸之粟。秦饑晉閉之。羅在十年。故秦伯伐晉卜徒父筮之吉。徒父秦之掌龜。四年。故秦伯伐晉卜徒父筮之吉。卜者卜人而用。

筮不能通三易之占。故據其所見雜占而言之。補正曰。周禮大卜。掌三兆三易三夢之法。是古之筮者兼掌于卜人也。涉河侯車敗詰之。秦伯之軍涉河。則晉侯車敗也。秦伯不解。謂敗在已。

故詰之。補正。以車敗屬秦事。然千乘三去。獲其雄狐。正三敗必獲晉君之象。况不敗何待。呼應甚緊。從杜註。對曰。乃大吉也。三敗必獲晉君。其卦遇蠱三三為長。對曰。乃大吉也。三敗必獲晉君。其卦遇蠱三三。

張下良曰。千乘三去。三去之餘。獲其雄狐。夫狐蠱必上蠱。於周易利涉大川。往有事也。亦秦勝晉之卦。其君也。也。今此所言。蓋卜筮書雜辭。以狐蠱為君。其。

義欲以喻晉惠公。其象未聞。去起居反。補正。邵氏曰。去猶算法所謂除也。以三除法除之。每除三百三十三。則三除所剩。蠱之貞風也。其悔山也。內卦為唯一非獲其君而何。蠱之貞風也。其悔山也。貞外卦為悔。與為風。秦歲云秋矣。我落其實。而取其材。所以象艮為山。晉象。

克也。周九月。夏之七月。孟秋也。艮為山。山有木。今歲也。秋風吹落。山木之實。則材為人所取。實落材亡。不敗何待。三敗及韓。晉侯車三壞。晉侯謂慶鄭曰。寇浚矣。若之何。對曰。君實深之。可若何。公曰。不孫。卜右慶鄭。吉弗使。惡其不孫。不以為車。步揚御戎。家僕徒為右。步揚。御戎。家僕徒為右。乘小駟。鄭入也。鄭所獻馬。名小駟。

御戎家僕徒為右。步揚。御戎。家僕徒為右。乘小駟。鄭入也。鄭所獻馬。名小駟。

御戎家僕徒為右。步揚。御戎。家僕徒為右。乘小駟。鄭入也。鄭所獻馬。名小駟。

戰對見其頑鈍而公孫微文刺訊即可
作一篇傲文讀夷吾能看頭風當無不
立愈第四節正寫戰獲事以去之誤之
對去之不過看清誤之直是見賣而秦
則幾止而反賈晉則無救而受縛矧既
莫追孤亦載跋忌則不克回不待三敗
既占而始夫也是為一大段落

慶鄭曰古者大事必乘其產生其水土而知其人心
者乃要着也

安其教訓而服習其道唯所納之無不如志今乘異
產以從戎事及懼而變將與人易變易亂氣狡憤陰

血周作張脉債興外疆中乾乾於外則血脈必周身而

作隨氣張動外雖有強形強形進退不可周旋不能君必

悔之弗聽九月晉侯逆秦師使韓簡視師韓簡晉大

復曰師少於我闕士倍我公曰何故對曰出因其

資謂奔梁入用其籠為秦饑食其粟三施而無報是

以來也今又擊之我怠秦奮倍猶未也公曰一夫不

可狃況國乎狃快也言粹秦則使快來快時世反

遂使請戰曰寡人不佞能合其眾而不能離也

君若不還無所逃命秦伯使公孫枝對曰君之未入

寡人懼之入而未定列猶吾憂也列位也補正曰

苟列定矣敢不承命韓簡退曰吾幸而得囚得囚為

壬戌戰于韓原九月十日晉戎馬還淳而止淳泥也

公號慶鄭慶鄭曰懷諫違卜懷辰固敗

故隋泥中

事閉處着色上應三敗下起還字如國手伍子開

着乃要着也

兩人字伏筆在有意無意之間

是色厲內荏

狡戾也債動也氣狡憤

張中乾

張中乾反

先自一寬令此公一君使倍我可分外吃驚

謂奔梁

為秦

狃快也言粹秦則使快來快時世反

林匹夫尚不可狃况晉秦敵國其可以

我手

列位也補正曰

陸氏謂師之伍列

得囚為

淳泥也

懷辰

固敗

略秦伯反失秦伯失秦伯反獲晉侯此處當是申生得請之靈然正叙便易說然與結處匪降目天不免矛盾只于秦伯口中輕輕一點用筆何等圓活而文情轉佳

下段亦分四節第一節叙諸大夫苦肉計寫得極軟是晉惠好替身分明插尾乞憐第二節叙秦穆姬討分上寫得極硬是晉惠好救星分明倚嬌撒賴第三

節叙秦伯對懼內而假做人情虎頭蛇尾寫得兒戲了秦以質子而藉口古人以縱為擒寫得正經第四節寫子金背後商量以辱社稷三字下眾人之淚說來極傷心呂甥當場籠絡以輔孺子三字開眾人之顏說來極高興凡此皆晉惠之後所不及料也然與其舍平于後可知不戰獲子前與其委困州兵重賞而買人心何苦肯將閑糧忘施而挑敵國斯亦悔不可追也矣是又一大段落

是求又何逃焉遂去之梁由靡御韓簡號射為右輅

秦伯將止之輅迎也鄭以救公誤之林慶鄭不知其將獲秦伯呼使

救惠公遂誤其師遂失秦伯秦獲晉侯以歸經書十一月壬戌十四日經從

晉大夫反首拔舍從之反首亂頭髮下垂也秦伯

使辭焉曰二三子何其感也寡人之從君而西也亦

晉之妖夢是踐豈敢以至狐突不寐而與神言故謂之妖夢申生言帝許罰有

罪今將晉君而西以厭息此語踐厭也晉大夫三拜

稽首曰君履后土而戴皇天皇天后土實聞君之言

群臣敢在下風穆姬聞晉侯將至林史記秦將以惠公祀上帝以

大子帶弘與女簡璧登臺而履薪焉帶康公名弘其母弟也簡璧登

弘姊妹古之宮閉者皆居之臺以抗絕之穆姬欲自

罪故登臺而荐之以薪左右上下者皆履柴乃得通

按正義云哀八年傳邾子又無道吳子因諸樓臺

楸之以棘蓋古宮閉之法補正傅氏謂示欲自焚照

下文更明使以免服衰經逆且告免衰經遭喪之服令行人服此服迎秦伯且告

將以恥辱自殺曰上天降災使我兩君匪以玉帛相見

而以興戎若晉君朝以入則婢子夕以死夕以入則

朝以死唯君裁之乃舍諸靈臺在京兆鄠縣周之故臺亦所以抗絕令不

得通外內。○自曰上天降災此下四十七字檢大夫。古本皆無。晁杜註亦不得有。有是後人所加也。請以入。公曰獲晉侯以厚歸也。既而喪歸焉用之。

晉侯入則夫。大夫其何有焉。且晉人感憂以人或自殺。天地以要我。不圖晉憂重其怒也。我食

重我。謂反首。拔舍。食消。重怒難任。背天不祥。必歸晉君。

吾言背天地也。重怒難任。背天不祥。必歸晉君。公子縶曰不如殺之。無聚慝焉。

子桑曰歸之而質其太子。必得大成。晉未可滅。且史佚有言曰無始禍。

而殺其君。祇以成惡。且史佚有言曰無始禍。而殺其君祇以成惡。

篇中段段提結。段段瑤終而起。于秦伯伐晉。卜徒父筮之中。問秦獲晉侯。諸大

夫反首。拔舍。從之後。幅乃許。晉平晉侯。使卻乞告。餒甥且名之。尤一篇關鍵處。故文調亦暗暗相進而立。

兩乃字。見此。當荷。免出于。望外。兩字。是則。諺所謂。過廟。驟雨。賊去。閉門。者也。寫來。句句。是晉。惠。敗。缺。方。令。此文。前後。神理。一片。若作。轉。敗。為。功。看。便。是。不。善。讀。

路散叙。叙來。到此。忽作。對。束。之。筆。又書。中有。整。大。片。段。處。又。此。段。見。挽。回。全。賴。人。力。亦。所。以。反。照。首。尾。令。激。射。有。波。瀾。也。

周武王時。無怙亂。恃人亂。無重怒。重怒難任。陵人不祥。乃許晉平。晉侯使卻乞告。瑕呂餒甥。且名之。

夫也。瑕呂餒甥。即呂甥也。蓋姓瑕。呂名餒甥。字子金。晉侯問秦將許之。平故告呂甥。名使迎已。補正曰。呂氏也。瑕其邑名。如成元年。瑕嘉之。子金教之言曰。瑕蓋兼食陰瑕二邑。故又曰陰餒甥。

朝國人。而以君命賞。先賞之於朝。且告之曰。孤雖歸。辱社稷矣。其卜貳圉也。公大夫懷公。衆皆哭。不還。

晉於是乎作爰田。分公田之稅。應入公者。爰之於公者。改易與。呂甥曰。君亡之。不恤。而羣臣是憂。惠之所賞之衆。呂甥曰。君亡之。不恤。而羣臣是憂。惠之所賞之衆。

至也將若君何衆曰何爲而可對曰征繕以輔孺子

征賦也繕治也諸侯聞之喪君有君羣臣輯睦甲兵

孺子大子爾此則後平索然矣

益多好我者勸惡我者懼廢有益乎衆說晉於是乎

作州兵五黨爲州州二千五百家也因此又使州長

各繕甲兵正義曰州長管人少督察易精

故周禮卿大夫以歲時至其夫家初晉獻公益嫁伯

姬於秦遇歸妹三三兌下震之睽三三歸妹上六變

而爲睽○睽苦史蘇占之曰不吉史蘇晉卜其繇曰

吉反徐音圭

士封羊亦無盍也女承筐亦無貺也周易歸妹上六

盍辭也盍血也

末段收拾通篇忽追叙一晉獻嫁女事不特與起手怨之中間逆告兩段照應有情亦單爲惠公在秦與韓簡一番往復論斷有力匪天由人在韓簡則借先君以諷切時事在左氏亦借旁論以回綴前文爲一篇之大結束也此左傳開頭第一首長文用法至精用意至密名言真警直當鑄金事之叙事至此

已用對蔡之筆作收局矣重又掉尾迴應起手作斷結蓋無此則文勢往而不返雖對然亦收不住耳

繇詞亦有三層前六句是說本卦後六句是說變卦中十句是正卦變卦互說奇麗處與起手異璞同工

貺賜也到羊士之功承筐女之職上六無應所求不獲故下封無血上承無實不吉之象也離爲中女震爲長男故稱士女○到苦圭反西鄰責言不可償也盍音荒筐曲方反○貺叶平聲將嫁女於西而遇不吉之卦故知歸妹之睽猶無相有責讓之言不可報償○償音常歸妹女嫁之卦睽垂離之象故震之離亦離之震也日無相相助也○相叶平聲

二卦變而爲雷爲火爲羸敗姬羸秦姓姬晉姓震爲氣相通車說其輾火焚其旗不利行

師敗于宗丘輾車下縛也丘猶邑也震爲車離爲火失位故火焚旗言皆失車火之用也車敗旗焚故不利行師火還害母故敗不出國近在宗邑○說吐活

害其母女嫁反害其家車說其輾火焚其旗不利行之象故曰爲羸敗姬

反輒福服二音。丘叶區補正。劉熙釋名曰。歸妹。宗丘邑中所宗也。正義曰。韓有先君宗廟。歸妹。此睽上九爻辭也。處睽之極。故曰睽孤。

孤寇張之弧。此睽上九爻辭也。處睽之極。故曰睽孤。失位孤絕。故遇寇難。而有弓矢之警。皆不吉。

姪其從姑。震為木。離為火。火從木生。離為震妹之象。於火為姑。謂我姪者。我謂之姑。謂子

圍質。六年其通逃歸其國而棄其家。道亡也。家謂子

明年其死於高梁之虛。惠公死之明年。文公入。殺

平陽楊氏縣西南。凡筮者用周易。則其象可推。非此

而往。則臨時占者。或取于象。或取于氣。或取于時。日

在秦曰。先君若從史蘇之占。吾不及此。夫韓簡侍曰。

不經。故略言其歸。越他皆放此。虛去魚反。及惠公

龜象也。筮數也。物生而後有象。象而後有滋。滋而後

有數。先君之敗德。及可數乎。史蘇是占。勿從。何益。

以象示筮。以數告象。數相因而生。然後有占。占所以

知吉凶。不能變吉凶。故先君敗德。非筮數所生。雖復

不從。史蘇不能益禍。敗德及絕句。數色主反。言

先君敗德已多。及今不可悉數。雖特命史蘇占之。猶

違而弗從。然則雖從。何益。信乎。敗亡之禍。匪。詩曰。下

天由人矣。補正說同。敗德指廢嫡立庶說。詩曰。下

民之孽。匪降自天。傳皆背憎。職競由人。詩小雅。言民

天所降。傳皆面語。背相憎疾。皆人競所主作。因以

諷諫。惠公有以召此禍也。傳。傳本反。皆徒合反。

○震夷伯之廟。罪之也。於是展氏有隱惡。法所得。

克段篤以贊考叔。結是反刺法。此文以斷先君結是正刺法。用意不同。而總之。只是運實于虛。不卑從正位。若筆所謂。別行一路者耳。豈有他謬巧哉。

此不重徐恃救之非而重在救徐者之不足恃用筆虛活為桓諱為桓惜矣

初疑此文宜連戰難為一篇自許平後晉惠即召館甥而爰田州兵便為此處前半引後半殺慶鄭完還澤家而餘粟始征又應起背賂閉謀作結首尾似為完密然前篇以詩作斷筆力斬然似峭壁臨江不容一絲繫附而此篇以五德字自成結構國不和君歸不歸兩

肩挑剔末以怨其君而矜其民雙應作結調亦有音相準前後散章法天成固不必強作膠粘令與買葉續竟同類而並觀之也

晉侯得歸全賴館甥妙言然亦秦伯先有此意看開手晉國和平國謂君何兩問分明故意挑逗結處數語原是汎舟本懷而是吾心中間又明明道破人知館甥善于籠絡豈知秦伯胸有成竹于此落得做人情耶故此文館甥辭令雖工終以秦伯樹德為主以樹德為主者遠為伯西戎理根近為納重耳起木也

問和却說不和妙絕然句句說不和却正是句句說和尤妙絕也 評語託之

尊貴罪所不加是以聖人因天地之變自然之妖以感動之知達之主則識先聖之情以自厲中下之主亦信妖祥以不妄神道助教唯此為深

○冬宋人伐曹討曹怨也莊十四年曹與諸侯伐宋

○楚敗徐于婁林徐恃救也恃齊救

○十月晉陰飴甥會秦伯盟于王城陰飴甥即呂甥也食采於陰故

有王城今名武鄉秦伯曰晉國和

乎對曰不和小人恥失其君而悼喪其親痛其親為秦所殺

不憚征繕以立國也曰必報讎寧事戎狄秦所殺戎狄以為

君子愛其君而知其罪不憚征繕以待秦此語籠絡中

命曰必報德有死無二以此不和秦伯曰國謂君何此數語若併作

對曰小人感謂之不免君子恕以為必歸小人曰我此數語若併作

毒秦秦豈歸君毒謂三君子曰我知罪矣秦必歸君

貳而執之服而會之德莫厚焉刑莫威焉服者懷德言還惠公使諸侯威服復可當

貳者畏刑此一役也一事之功

韓戰之役杜以直論本事於秦未有深利未必肯納故假稱君子之意以為若納晉君可以更當一事之

功所以深秦可以霸納而不定廢而不立以德為怨硬坐秦以

勸秦伯也秦可以霸納而不定廢而不立以德為怨

餘之

君子小人則唯吾意所欲言唐突而不
患于充乞憐而不忌其貶此真游說妙
訣亦真行文妙訣乃代字訣之所本也
當時得之為續命湯後人得之為益智
綜矣前一段字字著實後一段字字
虛圓前一段意思說話只做一遍妙于
直後後一段意思說話却做兩遍妙于
推敲未段一及一正忽變兩對為單行
章法前偶後奇格調而色最濃

孫執升曰殺慶鄭而後入便知其無後
于晉後秦唯英主始能于患難後賞忠
智之士若狂惑狠慢之君未有不殺忠
臣智士以釋懶者

以秦伯為主故秦伯起秦伯結

秦不其然

秦不其然秦伯曰是吾心也改館晉侯饋七牢焉

豕各

帶結

為一牢 蛾析謂慶鄭曰盍行乎

蛾析晉大夫也○蛾
魚綺反或作蟻一音

五和反析一
本或作齊

對曰陷君於敗

謂呼不往誤
晉師失秦伯

敗而不死

又使失刑非人臣也臣而不臣行將焉入十一月晉

侯歸丁丑殺慶鄭而後入

丁丑月二
十九日

是歲晉又饑秦

伯又餒之粟曰吾怨其君而矜其民且吾聞唐叔之

封也箕子曰其後必大晉其庸可冀乎

唐叔晉始封
之君武王之

子箕子殷王帝乙之子紂之庶兄正義曰鄭玄王
肅皆以箕子為紂之諸父司馬彪註莊子箕子名胥

姑樹德焉以待能者於是秦始征晉河東置官司

焉也
征賦


春秋左傳卷五

終

春秋左傳

卷五 僖公

廿



大綱

春和之傳
卷五

望
望

